

理治部 國 宗 院

漉湖遺老集



温州市圖書館

75.45
索书号码 8048

登記号码 010138

共2册

來教披讀兩次公出與社會周旋歸與古人稽孜孜不倦
如此真健者也見和拙句理解精深未免稍有喫力處得
非真俗空有理事之際尙有融之不盡者耶佛法兩句過
譽何敢當胸中磊塊正苦消除不盡恐往生時品轉在村
媪下耳君親報答卻是助道品亦卽淨行真如雖著迹無
障礙也樟亭記太無力公詩太有力馬君詩雖未見想有
簡雅風致吾嘗謂詩有元祐元和元嘉三關公於前二關
均已通過但著意通第三關自有解脫自在元嘉關如何
通法但將右軍蘭亭詩與康樂山水詩打併一氣讀劉彥
和言莊老告退而山水方滋意存軒輊此二語便墮齊梁
人身分須知以來書意筆色三語判之山水卽是色莊老
卽是意色卽是境意卽是智色卽是事意卽是理筆則空

蘇軾詩集



假中三諦之中亦卽徧計依他圓成三性之圓成實性也
康樂總山水莊老之大成開其先支道林此祕密平生未
嘗爲人道爲公激發不覺忍俊不禁勿爲外人道又添多
少公案也尤須時時玩味論語皇疏與紫陽注止是乃能
運用康樂乃亦能運用顏光祿記癸丑年同人修禊賦詩
鄙出五古一章樊山五體投地謂此真晉宋詩湘綺畢生
何曾夢見雖謬讚卻愜鄙懷其實止用皇疏川上章義引
而申之湘綺雖語妙天下湘中選體鏤金錯采卒理固無
人能會得些子也其實兩晉各言兩宋理學看得牛皮穿
時亦祇是時節因緣之異名文身句之異世閒法異以出
世法觀之良無一無異也就色而言亦不能無決擇奈何
不用唐後書何嘗非一法門觀劉後村集可反證無如目前境事無

唐以前人智理名句運用之打發不開真與俗不融理與
事相隔遂被人呼僞體其實非僞祇是呆六朝非活六朝
耳凡諸學古不成者諸病皆可以呆字統之在今日學人
當尋杜韓樹骨之本當盡心於康樂光祿二家所謂字重
康樂善用易光祿長於詩兼經緯經訓菑畬才大者儘容耨
獲韓子因文見道詩獨不可爲見道因乎歐公文有鄙詩
蚤涉義山介甫山谷以及韓門終不免流連感悵其感人
在此障道亦在此楞嚴言純想卽飛純情卽墮鄙人想雖
不乏情故難忘橘農嘗箴我纏縣往事誠藥石言宏雅有
治才浮侈多薄行見道之言卽此是已謝傳遠猶辰告固
是廊廟微言車騎楊柳依依何嘗非師貞深語近嘗引此
旨序止庵詩異時當錄副奉教闍伯先生閣下九月初四

日寐叟上

日寐叟上
序
...

澎湖遺老集序

國朝樵李詩人竹垞爲博大之宗佐之者倦圃秋錦青士也
也擇石一變而爲奧折以經義緯之佐之者襄七穀原也
行之者梓廬衍石也至乙庵沈氏益恢奇無所不學以至
於無學竹垞一鐙流衍之遠持擇之精幾如唐之韓門非
他人所能比並吾友香巖翁旣遠有師承又多所餐挹五
十稱詩湖湘與王秋益吾兩王先生游六十供事通志局
朝夕與乙庵相叩擊境凡三變七十賣文海上主周氏晨
風廬投贈始廣蓋至是積勤三十年得詩已二千餘首友
朋閒翕然稱之予慙愚付刊以鑿觀者香巖歎然曰古今
詩人代不數家家不數詩其可箋而讀之者尤寡其餘紛
紛徒災黎棗耳予謂功候分寸旣可自定姑謀剞劂與知



已其證亦學問之大方也乃出辛亥後作四百餘首督予校而次之釐爲四卷亦可以見厓略矣嗟乎文士畢世一經何所歸命進不能爲朝廷任尺寸之憂退不能爲三徑謀絃歌之資徒抱區區之隱唱歎於寂寞之濱與草窗須溪同其牢落得無鄧禹笑人香巖其樵李詩人之窮乎刊旣竣爲述問答之語以弁其端云戊辰仲春之月歸安朱孝臧

澎湖遺老集卷一

重光大淵獻

舟中上巳詩

秀水金蓉鏡學



予掉臂游湘委身人吏六回上巳三典方州華顛已盈髀肉將盡解組後浮舟沅水擊櫂湘波樂汰務閒舉目有異又逢上巳情復歡然艇舫一縱甘鮮兩頭柳色有俯眉之譏煙光乃蕩情之物半襟染而欲黛百草淺而若薰乃識惠風之可懷逸少之能賢也爰踵浴蘭舊事爲修禊之飲倚櫂浦裳一洗塵累佐以野蔌與妻孥共之樂而歌曰

樂莫樂兮春禊安莫安兮歸舟安在不可危樂在無所憂

既憂危之永謝宜舉酒而拍浮蕩木蘭兮兩槳指杜衡兮
一洲競甘芳兮菜把開燠麥兮甕頭對萊婦兮擊節託全
家兮清流攀裳兮拾翠涉江兮遠游離騷兮斗酒絃詩兮
筮篥山則安螺點黛水則夾花滿溝問向子兮願長往呼
先生兮是浮休

負上巳詩

何年無春何春無上巳舉酒無一擊之鮮委巷有里
耳之聽所聞不過悲風所見不過烏雀應休璉之慷
慨陳司空之幽閒良非虛語負此盛序曾非一年靖
節有言今是昨非既曰昨非所以爲負負非一端於
春獨多乃爲負上巳之詩曰

春水兮欲漲春風兮欲暄花開兮上苑草綠兮平原鳥則

百種爭囀人則湔裳一喧惟禊飲之佳日乃勝游之所存
目未接賞荒非一園留春不住飲恨難論桃花笑人兮息
媯不語桑中賦怨兮陳娥少恩白日欲謝兮青春將暮蘅
蕪獨媚兮浮萍無根歎既往兮薄倖惜未歸兮王孫開迎
仙之別館招倦客之一魂元亮四十荒徑仲長一生昌言
諒百年兮非暮誓畢生兮杜門

奉和葵園先生贈詩

飛騰高詠入秋雲彩筆橫空妙軼羣聽到緜笙知法曲久
陪雕輦最凌雲平生月旦汝南郡滿坐薰香荀令君似我
棄材仍隱括居然小草亦迎曛

原唱

王先謙

心游佛海氣高雲意態昂藏鶴不羣本爲徙薪防曲突

翻然連璽比浮雲抗言自合從
郗父遮道空聞借寇君
世事波流民望去仙舟惆悵送斜曛

湘綺師止庵相國招飲超覽樓下疊韻

人是春風生綺雯酒沽嘗得價無羣

飲長沙嘗酒是朱家舊釀

青楊夾

巷皤黃髮綠野成堂臥白雲衣鉢看傳大弟子湖山分到

舊徵君眼前勝引誇張處一任離情付夕曛

奉和止庵相國日本櫻花歌次韻

五印久已矜曼殊海西復道利亞姝

曾惠敏有維多利亞花詩

吾心大

聖何不有搜奇直到中華無櫻花最喧太伯國何年植向

諸葛廬繁英點碧宜嫁杏女郎誤折春風株輕軀迥露可

代李石家爭量百斛珠相公一笑乃坐致嬋娟竟伴鬢鬢

鬚婆娑風月看不足亭亭獨步嬌須扶海棠山查亦清妙

花亦園中名品 搓酥滴粉無其都超覽樓前百笏地掃塵不許

元規污張席有時對野老汎舟或取陶公朱我時挂冠逢

勝賞濫吹入座真齊竽看花霧眼驚國色況有國手同潛

夫一篇捧出玉合子斬新花樣轟愚儒雄文本號燕許筆

餘事乃到瓜芋區奇花宜入平泉記寶樹或詫波斯胡芸

芸四海望潤色豈同寒瘦吟蒲菰爲問櫻花爾何幸高價

入手爭瑾瑜繞樹三帀喜叫絕寄奴一擲方得盧人生遭

遇亦如此聲應不異鼓與桴定知寫真得佳士欣賞要可

傾百觚他日牡丹爭一放寒酸好洗書生迂國花自須國

老譜公今歐陽非八廚一說天上真富貴

公言內廷國花臺種牡丹百畝

海外芬陀總不如

寄止庵相國用來韻

五月返松筠初從物外人買鄰桑苧老放櫂具區春玉水
張晨釣山瓶瀉夕淪平分無事樂極目寄秋蘋

原唱

瞿鴻禎

漢代惟良選周邦學古人懸魚一庭靜馴雉萬山春對
酒動幽興挂帆尋隱淪鴛湖好風月歸及采青蘋

卜居

行腳歸來爲撥塵不知誰是到家人自從出得膠盆子解
其香山攪擾春

賣文爲活初無壁不到成翁未有家我比少陵覺少可草
堂一住便天涯

兩頭廳子分嬌弟中有琴書著老夫莫道安仁爲政拙藏
身愚谷本來愚

最貧東老仍相訪去魏信陵逾十年坐久不知風雨橫當

門覆卻釣魚船

沈乙庵中丞過訪
值雨來書云然

清才最小劉家妹生事從頭問老妻我計不狂亦未劣時
時辦得玉東西

謂常熟龐氏妹范石湖
詩謝人深勸玉東西

曉起望湖樓

西北誰家樓云始錢元璪兵後廢無椽連榭向水繞蒲柳
滿其中菱芡遠莫徼煙埋罟泥船農家菘草美
田謂之罟泥漁弄截竹
筭滅沒萬頃餘日出始一曜自來習處者久狎不知妙酒
徒耽晚晴對月空絕叫留與我輩人抉發露七竅玲瓏天
宇高捲簾垂手笑我官雖懶散我居頗得要羽葆樹幾桑
羊裘尋一釣開門卽到前抗俗庶可療經營力不足入手
誰能剽得此淨如練滿眼是詩料狂喜不及餐誇向孟德

耀我何似錢王肘翻破瓦鈔

歸里呈沈乙庵中丞

我為讀書歸甘心死貧賤珪組何足留一瞥去如電故鄉
幾老蒼先生尤博練結屋古埭前所居姚家埭是野服我
側弁知為濟時了來作安期羨金冶既相宜須公伏火鍊
森然杜武庫精絕會稽箭高議析九流接席有一眄汲古
得航頭呈偈當佛面大小扣必鳴損益請無倦謂我忍辱
禪披沙或可揀有如太倉公飲目乃洞見一擊欣有得發
蒙餘難眩此行真不孤策我敗軍殿不得大辯才孰知善
巧便所居隔一城不憚走蔥蒨相從問字亭載酒置筆硯
東坡奇馬生黃州恣游衍我家有故事箋鄭在經傳曾伯祖岱
峰公游雙湖先生門以箋鄭諍朱為學齒髮不足憂所學當貫穿

和詩

沈曾植

候蟲應節鳴嘉蔬易地賤天倪渺無朕撓風復舒電一
入祥金冶長悲素絲練傷哉陸大夫繫纓喻峩弁謂陸申甫
為蕢世方矜臨淵網何羨先生信古狂眾學就簡鍊孤
根龍門桐直榦會稽箭昔廁鵠鴻儔頗驚鷗鶚晒風塵
俄蕩滂江海隔顏面一紙瘴江書三年懷未倦早亡那
律眼敢作雲門揀甯知滌湖清復此觀河見起攬使君
髯喜心成晒眩我病維摩嬾選場蒼最殿君才域龍健
忍鎧施方便滅定有莊嚴空華不蔥蒨潤我死灰禪微
津出枯硯昭昭塔月朗每每湖田衍野游狎釣艇寺俎
拾僧傳正爾誦發難殘璣不能穿
六月廿四日小集湖舫

紅蓮新有菡烏柏微可冒銷夏認一灣避俗攜半卷頭綱
出新銜眉宇試初繭起斟下若杯分來竹林宴諸君狎鷗
鷺不動露珠泣我從萬山來喜踏長波衍如讀士衡詩得
意在平典誰敢下鹽鼓坡谷語亦審又如大方家御風冷
然善井底笑子陽一洗從前蹇擊節歌吳趨高談圍盛辯
選勝得道場崇題留寶篆湖有觀音閣夕陽照眼明虛廊
循隄轉不見文物初輒笑吏人淺樓有乾隆御座兵後
善化許雪門守禾粗有締構耳吾儕記山水誰是羊公峴俊哉湘中老此
事差可緬今日荷生日昵飲逢勝餞其念使君勞對花須
一酒

湖上卽事十絕句

湖濱荒卻宜山墓哄動詩人說到今多少可兒誇甲第只

愁造次不關心詩人盛宜山墓在湖濱孫次公識其處宗

葆冲書屋一拳石曾脫權門候望塵掃盡苔痕成白路猶

留瘦骨傲嶙峋汪雲壑先生拒和珅之招文稿中有趙孟

詩篇曾讀餐微子乞得新居幾葉孫臥看滌湖纔一曲欲

開倦圃覓巢痕予於丙申得岳石梁先生餐微子集三十

定業前緣信不淺也

南鄰一鮑資談屑東郭三馮擅注詩網得珊瑚將一尺何

如珂玉著書奇鮑少筠鹽尹舊藏泰山廿九字曾刻入金

歸閒有墅未曾閒風急灘頭望白鷗河鼓一星常獨處浮

槎幾日下銀灣海鹽沈絜齋丈有別墅在湖上去年曾約

結鄰今予歸而沈尙滯漢皋來書云有莊

岳之

木威集與夷門牘文獻葳蕤白苧村我亦能尋佳處住雙

題櫟樹別開門萬麻間高士周履靖與妻桑貞白隱南湖

陶詩野人清嘯夷門廣牘康熙間詩人張劭博山結水

明樓於湖上著有木威集其姪浦山徵君著畫徵錄

詩老傳聞有復公靈峰妙諦接宗風人才一代要須養難

得生逢鉏菜翁庵釋通復字文可號冬關老人居南湖初地

人張博山贈詩云花枝搖楮里接春波有隱居吳公求志在經畚自從受業桑夫子更

不言貧只寫書吳倦圃先生從桑改甫學篤信程朱喜鈔

縣載粵亂擢巡撫為時清吏曾孫受福

舉己卯賢書第二皆秉教義行身不苟顏家海棠盛家竹一被詩名便不饒戶外閒田餘半畝欲

添花藥接新苗

我貧捨卻狀元宅來作南湖一老漁舉酒那知天下計典
裘須速為焚魚

小種字林歌有序

吳孝廉受福少村中丞子也中丞以孤清不黨有名
於咸同閒洗兵珠海盪寇司州每提孤軍屹長城之
氣大開幕府治活民之書當其櫬槍警夜則浴鐵橫
戈載月行春又坐棠臥鼓持節三省治軍廿年由州
縣而封疆亦文通而武達薨於桂林家無私儲士民
感歎鄉邦咨仰孝廉以為仕不期通期於有補祿不
期富期於無愧乃至以死勤事終身無一日之樂罄
幣佐軍全家無宿儲之養惟中丞能行之惟孝廉能
知之仕不可求故終身閉門祿不可苟故白首為儒

結小種字林以讀書養性爲務觀孝廉之介益見中
丞之賢以此云蔭信乎能遺蔭矣因作歌以娛之
延陵遙緒神駒高驥放於無朕詆蕩昭章不肯低頭向權
要飢來識字通凡將忍飢學種字大發名山藏等身論著
述恥作地上凡兒郎英英中丞公清惠標國光負荷世業
豈易事閉門不覺顛毛霜著書何須子雲喜避世未愧牆
東王座閒久謝雜賓客筆底頗具孤鳳凰倒薤雙垂星斗
燦錯刀一割珊瑚強持告列大夫中興之後相復生相將
復生將誰家敢以名節當君家父子橫一世介然不受俗
物妨階前益栽書帶草夾巷更與環青楊此中指與路人
看寂寞又一魏公莊公子且須禿盡三萬管花花葉葉爲
書姓字香

詠史

變法亦多術後出卑於前微管驚軍令鞅也開陌阡貪取
一時利不顧後世憐拙哉秦人斃甫爾新室躡泥古與廢
古取笑同一愆其道皆不仁安識古所賢三統迭有代五
運環相連忠厚措磐石永命須祈天寄語當路子曠里難
爲妍天道不爾貸覆巢無獨全

左擁出碎吏孟佗博斗儲問渠何能爾乾沒固有餘傾軀
無靖步靡顏曳長裾榮華載彫俎縱以摧輪車客養雖云
樂外蔽乃中虛福皆禍溢世骨銷神亦渝古來嘗痛此後
世曷慎諸奔駟難久玩義心苦日臞一聽雍門彈孟嘗涕
漣如身名兩相棄推琴起踟躕
桓山有四鳥鳴聲將離乖信信洙泗上議論何不諧各各

徇身命一縱知無涯三川驚辯說七國呀虎豹甘言寄天
口暴阮已枯骸獨有子輿氏懷義開羣羸生民將大厄天
路無由階抱道竟不試利往與禍偕流傳七篇書鳴鳳齊
喈喈爾曹縱小黠窺門未嘗闕

蹈海誠太激干澤何太隨斟酌二者閒商山有前規我身
只七尺安用多錢爲是以鑿坏人無世而無之豈惟自處
審亦免外物疵望酒可對菊煮石還餌芝滿腹不待河糜
軀真一癡墨守庶未晚古義不我欺

子歸里六月存罹災傷兼涉兵禍防軍索餉而譁文武
皆遁予搏膺被髮救之標獠狗而競逐呼垓澤而非君
射書聊城借箸席上三日乃止怵小民之蕩析傷守土
之無良慨然有言著之於篇

大夫近關出將軍周走呼叢祠篝火起浴鐵嚴裝趨競爲
智囊往誰是愚公愚小人曾食祿翳桑竊餓夫微薄不自
揆變故安得渝障川誠非效捧土情益劬連辭論仁術不
救轍鮒枯一日以兵諫翻得租庸逋試看負壑者國計何
其誣傷心不如賊彼哉桑孔徒

兵亂中得葵園師平江書并見懷詩次韻卻寄

烽火千金書贛步萬山裏危苦劒頭炊迫蹙漁父檣起視
霜雪啼淚下如鉛水琅琳鏤惠心肝膽出古擬謂我介石
癡危行得坦履憐我商歌冤齋音屈下里吾道本難知滅
沒自可喜至今弔一北猶得洗兩耳勞師春風揚起我愚
盲視葆茲良玉別刻作蟠龍子中有一尺涕不隨萬物滓
未死當相見遙情兩卓爾

原唱

王先謙

誦君移居篇心到鴛湖裏鴛湖昔曾住三日孤舟棹登樓對煙雨醉眼洗雲水至今圖畫意胸腹尙摹擬先生山林姿夜夢怕冠履腰章手自擲浩歌歸故里湖濱多舊識魚鳥盡歡喜棄官如棄泥吾見一人耳鷓明在寥廓笑彼羅者視□□詩作窠連仙鶴爲子蚊雷何擾擾六合多泥滓勿謂楚越遙心清惟我爾

奉和乙公招游海上之作

釣臺竹如意哀歌碎山石田連五條音宏景三層閣先生抱璞情非爲玉人哭卷施未拔心傾葵能衛足長謠寄飛鴻驚弦每倒鶴入我瓊瑰懷洗我腸肚俗冰雪常在眼梅花亦吹落以茲歲寒吟敢用松柏託巍巍魯殿存細細陶

巾漉庶結壺中游一放天外矚真可愈頭風時患頭眩平生信眼福當逐海鷗來一徇遐哉躅

故山西巡撫陸文烈挽詩

別館開東第憂公未得歸獨持大臣節遂濺侍中衣台曜連天圻冤禽掠海飛并州霜似翦楓葉落霏霏颯矣大夫樹傷哉留後兒高纏前日馬雙照夕陽祠燿火愁初斷太常名卽垂東門留目在茲路下王師

資州行

有序

某督奉使泰西歸而變法所至以維新自詭頗掠時名辛亥鐵路事起率師入川行至資州旣聞途阻卽謀賄脫黃金能鑄未遂鴟夷白刃相仇竟冤降將頭顱猶行萬里弟兄并命一北朝旨所謂慘不忍聞者

也至乃火焚其居毒無不至身名同盡國受其殃曾
未浹旬四方波蕩前之甘心滄海今乃止渴飲鳩士
之出身圖國者可不慎歟爰敘短引貽之將來

山木久荒女郎道邛竹已閉昆明區碧雞雖神那可致冠
貂誤人誰肯休江陵城下一旦盡咸陽宮中三月愁到頭
浪作百歲計痛哉一騁車前騶

野言

野老避事解語言其言哀切來相存大夫櫛具久零落甯
不知有王遁門光緒以來談變法有若抱薪趨秦燔混沌
翻身七日鑿后羿仰彈九烏惜雲將緘口祕不得人聞乃
識天地根黃帝立法推五勝珠鈴玉冊探天元范公伍相
用吳越地戶一發千歲屯其後高密注埖緯齊隋二蕭例

日繁比於中郎豈無士今者傳習矜虎賁六儀三奇配八
卦太乙入宮居最尊畫分陰陽工布局每逢戊巳須寄坤
年神月殺相料理黃幡豹尾紛連軒貴人升殿喜拱照修
羅捉月爭朝噉八門環轉互用事三傳具發吉所存此乃
術士愚人耳譎觚一從禍福論奈何公相亦徇此甘心抵
冒成彼昏牙牙萬夫同一觜發言指事如風旛蝦蟇善蔽
上天巧猥猥食人掉舌煩鄧氏銅山日應滿郭家金穴春
猶暄日對太歲死破敗妄意六合天德恩熒惑遂作小兒
語奔精告眚喧一村朝爲王戎如意舞暮已智伯冰炭吞
詎謂膏腴愁中滿意以玉石災其崑天子或爲下殿走諸
侯競效抱器奔其民已作夙沙潰其兵亦作邊城翻舉事
固已大不祥官何復咎天道渾探驪兩領死不省處蝨一

禪那得捫大夫幸無縱理相驛馬早動田子魂不然墮在
墓庫裏休囚正宜鉗以髡安得坐大五湖上來隨村社驅
雞豚我聞茲語三太息誠哉死罪何可原向人惟須閉口
謝天機方掃北斗垣時方北伐

辛亥紀事

持語孫恩海上魂公然鬼國爾稱尊座閒竊騎翁毋怒天
外乘船夢欲捫細黠小兒方發難夥頤野老莫多言試看
肩髀將成豕且願詩書莫共燔
鶴語堯年慘不春橫刀袴褶是何人荒唐杜魄能開蜀寂
寞兮儒競美新鳩鵲昨驚鉞弋館驂騶望斷屬車塵晚同
柱史流沙去大道今知患有身

窮士詠

學成西游不帝秦宦成東歸不救貧少好結交不見答老
念子孫不逮人平生得力惟舌在且可狂歌向東海對人
也復何足道慎莫逃名露丰采世人多忌復多疑但願高
官君盡宜陛下富壽永無極一物何損皇天慈

予默困敦

湖上放歌

斫鱸池頭不用叉牽蔓鏡面已著芽屈指三百六十日據
有茲湖無乃奢有客問今是何世魚鮮菱美盈一窪翻疑
天公有橫賜誰道世法曾無差荒哉吾徒不自哂懶惰只
慣撈魚鰕綠楊郭外待招手黃梅雨中看落花忽憶去年
初到家物色如舊儘堪誇危樓且可策高足極目不見浮
天槎爲問世上屠羊說何者須爾費齒牙平生忠信且未

墜幸可僵臥專一車此中久碎竹如意亦復蕪絕東陵瓜
願持一語敬謝客只留吾目看日斜

以詩寄安妹并呈龐翁

湖光生夏寒幸可親素紉急寫舊詩卷寄妹試一看上年
移居時草草初發端今年患難後餘生亦未殘此皆妹所
見知予情所安鼎鼎百年內如上逆水灘摧顏進一步復
有不測湍收身齋粉底釋此重辛酸儒宮對白髮轅釜催
荒餐所恃兩蛩駟偕老有餘歡奈何鬼伯使猛鳩呼我欄
妻病逾百日禱謁無不殫惻惻其命烏有肉當須剗且從
羿妻竊王母與一九願將救月矢膠此續命鸞果還諸斗
極照鏡髮重盤今日樂相告浮生送不難友朋競來問書
卷又常攤側聞龐居士脫屣輕一官謂勸庵中丞何當共樽酒

發歎臨河觀

讀豫章集賦呈乙公

東坡一生坐詩窮蓬萊不住住海東後來蘇黃有名字得
禍常劇福亦同宜州一夢返遼鶴傳觀圖繪乘天風浯溪
詩成不出手恐驚當時蔡相公當時尙有知詩者未得高
處令耳聾莊周詆孔常十九扶搖乃勝後世功卽今求禍
且不得大可掉臂措我躬平生百計謀隱具失來十年得
楚弓徧題沅湘水盡處恨無一句雕虛空先公所師妙有
緒檜門詩存多學山谷同時薛石竊願補處生其中才薄
又辛繼之遂別術爲秀水派
偶殿秀水派舞人要唱玉玲瓏試問丈人我何似貫的雖
未心尙童跛鼈千里不啻驄正逢伯樂高纏髮詩人惟窮
乃得工我今歷塊纔可通

稚巖風雨中過我湖上有翦韭之約

高梧生夏雨開襟一快意有如見故人故人亦時至好雨
君乃懷清言我亦恣不用對牀憶卓爾華屋議尊鱸在眼
前此物竟久棄張翰只一杯略可姓名記子雲費萬言但
苦覆瓿刺何時沽美酒與君掉船試自期尊魯連非意困
賈誼跌蹶將十年無救宋人蹟爲語鴟夷皮范急要綺里
季朱與我打毳耗救此亡命帥投轄所不辭有酒尙可使
視此雨絕天斯言我不駟

聽許生吹笛龔生按歌

少女風起菱花末建溪茶熟釀欲割誰家奪來一串珠截
竹吹得鴛鴦活峩峩夏日高當天薄寒中人瀉井泉渴羌
洗耳不及飲李暮妙指何由傳一聲裂帛知無價三日繞

梁定須跨南郡學賦愁未工盧家養女爭願嫁兩生能事
久乃工葛翁開口亦最雄崑調呼淨翁也平生我舊識十
年不字真得力倦聽蠻笙湘竹來我今置身鳳凰臺惜哉
有樂不得縱真人代北絃絕哀酒闌人散一回首拔艣歌
呼看誰某觸著琴心那忍道蕭蕭晚風動楊柳

擬薄薄酒

山谷爲薄薄酒二章有云醜婦可與白頭又云萬里
封侯不如還家歎其落落詞高予旣兩得之矣撫絃
和之以自娛

有庵可家有妻可老走萬里而僅存歷九死而不天子之
得茲也豈無其道性剛則與利違欲寡所以悟早五侯雖
怒不如卽時無惱萬金雖姝不如粗布可保得少優於失

多妻賢大於子好我豈如老氏之無身庶不爲夸父之枯
槁一杯薄薄酒百劫摩尼寶

短歌行

惟清十世所任不良貪人盜柄蕩覆天常解一天常既覆九

字以裂我獨何辜遭茲泯絕解二嗟嗟友生涉水無津攜手

屠肆日與死鄰解三百族一淪海無再靖爾公爾侯誰爲之

梗解四貨入金門民若地芥六博方投四海亦隘解五爾命幾

何爾金幾多將金養命我尙誰訶解六

題霜燈課讀圖爲朱靖侯叔作

天上清霜嚴人閒節母苦我爲節母孫備聞公所怙公爲
節母兒亦曾從我父兩家堅貞心忍死須一吐我父乃少
孤謀學亦謀脯公父對之歎作師并作主負恩五十年食

字終不腐今對霜燈圖環堵立尺豎真得賢母力瞿然思
我祖當時課孫勞彷彿愁肺腑瘡口談詩書瘁心支門戶
至今我與公衣食薄有祐遇難竟得全雖窮不可侮上戴
有皇天下履是后土母之所拮据相視一涕雨微名那足
言五鼎曾何補歐家瀧岡阡王家玉胞肚人子身上華何
與母心憮要期存苦節還如母所樹霜雪何霏霏艱哉力
須努此乃百事根何止一仕臚更思我父時執經趨賃廡
便便捫腹筍温温落談塵馬帳在眼前父兮不可覩涕泗
還公圖流塵不忍撫強著我淚痕向公紙上取

陳淑人畫像偈

料簡五十五年悲歡了如幻夢斷臂能起我危出腹只有
一慟并州幽州湘州鸞鑣翟莛互控生是節婦肝腸忍得

煩惱病痛今如黑漆桶脫打開連底一凍說恁生佛生天
欽重娑婆四眾

圍棋

一著浮山入妙談縱橫萬法任人耽我今黑白行俱竟莫
向輸贏定後參

遇劫始知是敗缺爭先解得亦閒忙若教平直無多子覆
局原來十九行

王子重九謁陶勤肅公祠復掉船訪拙存惺存昆季

秋光作重九負手松菊下歸來只一身婦酒難重把計須
落寞游姑詢設施假一叩陶公祠重門夾行馬先朝之老
臣扶輪屬大雅那問八百桑不辱萬釘銜眉宇照世閒淳
然見清瀉我乃老賓客三年坐終賈當時偕婦來皋庶芘

大厦穆酒出中厨祥金耦妙冶翹飛庶破壁薄謀竟獲野

謂我八面才今爲一北櫃盈虛事早知

庚子九月謁公漢上公謂亡國之禍

已成惟求速死

清淨業亦捨雖未躡崇高且可聽擣搗懷哉首陽

薇寂爾威輦社孤律諒深警隘節殊亦哆把臂問二歐肝
脾每激寫起歌西州門忽若吞炭啞我竟失讓妻君亦難
肆姐變徵張女彈華屋羊曇寫慷慨重回首熱淚共一灑
如何殷深源坐爲咄咄者

同拙存參議登煙雨樓

城南一浸水仙國九月寒鴉散作墨殘菱一半壓湖田明
月初覺蟾蜍食香嚴老師住兩年自謂逃虛竟得力大網
伺魚踏遠波緯蕭照蠓窺夜織初地庵主舊可人水明樓
詩殊德色長橋飛鐵驚嵌空寶塔搖風轟孤直披襟好縱

鷓首飛扶藜竟可鼇背陟求仲好事同所游一斛寒泉看
日昃袖中攜有辛卯書陶有辛卯侍行記目斷河源窮髮北相視
豈是愚盲仙舉手爲謝時人識君須早拍洪厓肩我亦初
插令威翼曾搏九萬直須臾此是天池六月息所嗟失卻
天女禪河鼓一星愁漢側較君最爲苦硬人鎖斷明湖還
逼仄

九月望日過精嚴寺聽經忽憶去年此日老妻嘔血苦
諫勿與世事潸然出涕因有是作

篝火聳夜柝達官走避屋龍鍾燭之武布縷帶斷幅入告
陳郡君出詣對空局頰顏有失聲鄙節良亦殼衫袖挽不
回縋險輕一辱絲懸萬家命欲以單膠續歸來淚空垂歎
此血出漉款款霧豹語惻惻飛雉曲竟化望天石還成抵

鵲玉迄今疑夢中念至惟有哭明知命有遭姑徇空王勛
俯首轉半藏洗心薰三沐庶假獠獠舌慰我天民獨誰能
學無心說空還是俗

別丁衡甫四年今見於海上感歎不足繼之以詩

顛倒頗有鹿馬語便可命駕誰得留至今六月尙星鬪初三有此變竟無尺地容我游先生習禮大樹下告翁去狎海
上鷗膝上方作王文度座閒莫著平津侯善學春秋不阿
世博存藝術但旁搜終焉談笑向海若鄒衍有口驚九州
時充廣相逢共憶鐵籠走會見乃作銅駝愁知君曾畫徒
薪奏我亦頗參贈策謀當時不識程李貴今日便道汲鄭
優爲騎土牛笑不徹能賦凌雲曾見求阜帽蒙頭請長往
輶轡臥身那便休平生背硬眼無人正要立地出一頭福

雖未來禍亦免越石已化繞指柔膏蘭自災恐不免先生
乃曰非我儔

檢舊篋得家書兩通一作於西安一作於郴州致陳淑
人者今皆完好淑人鄭重我言片紙隻字不輕棄也今
爲裝褫之因書其後

天花在眼不可著三十年來無一樂手書鄭重到身後苦
語相關見昔諾君曾不厭太常妻我亦竟免濁水泥白頭
如說夢中事老淚溼向漿粉題今從何處得此紙緹縉十
重巾箱裏我書嬾拙爲人嗤君更抱持甘心死區區小物
尙如斯何況少年貧賤時吳蠶易老不妨拙家雞慣啼誰
復知感君故意不忍棄紫紵玉柙爲君致乞兒一物誰可
譏織錦千里猶免寄張敏夢尋有見期君爲黃檗我爲絲

將絲染槩一時嚙爲塞大地無窮悲悲來無法須一看長
縑縑手絲不斷當時出入黛奩中急覓淚痕恐已漫

借朱梓琴訪盛高士墓久而未得遂過草庵放舟真如
寺晚飲城南酒家

舊社南池事已空我來頭腦戀冬烘久埋仙骨知俱蛻願
結詩龕少此翁蠟屐初尋何處雪買船好權不貴風高人
一豕干卿甚爲墮荒阡蒼耳中

草庵西去真如寺塔勢迎門一權通衰柳搖晴沙水急殘
僧厭事午齋空司農字好鐫陽額丞相庭蕪賸晚菘塊壘
填胸澆不得相將就作酒徒窮

松菊猶存圖

寶泉先生潛壑之姿臥甕之格葺屋角里橫琴海隅

簾沙幅巾逶迤陶後聚妻孥於一室繪松菊於滿山
吾友邵昀抱持手澤護若驪珠今以一令歸來出篋
相示三世之業識江左之烏衣五畝之宮視寒潭於
雁影撫玩陳迹寄之於詩

傳說君家避世翁永甯不住住牆東種松幾樹看成燼乃
父當時尙小童

衣拂桄榔海上秋行年六十始歸休瘴花深處攜囊過爭
及先生下澤游

營葬有述

永豐鄉裏種松楸况土成山十丈道葬到吾妻萬事畢更
無涕淚爲身謀

生無華屋對名園死有青山託寢門今日不須怨零落香

花供養動連村

世人未道王孫達私意終憐靖節賢不用他時苦料理平
生傲骨信猶堅兼營生曠

明年擬欲就山棲來聽黃鸝村樹啼死學劉伶埋便得誰
能浪說到征西

咄咄詞次韻和王湘綺師見懷之作

往狎海上鷗驚波非安流卓爾浮北伯自泛不繫舟默數
八十年詣曹羈無由豈伊晚好事此身浪一浮請謝世議
隘燕雀徒啾啾示我咄咄詞深心託離憂謂我見幾哲竟
免鍾儀囚魯連誠小黠畢命無包羞當時把琰處湘柳搖
春洲睠然超覽翁櫻花坐見優幸無適俗韻得與長者游
讀書有宿諾閉門甘白頭別來曾幾日回首新亭秋重將

去國淚灑向小邑鄒便可土窟住一世閱蜉蝣那免稷嗣
請久謝方朔偷試看我舌在有田亦可耰如何蠻觸人尙
作蝸角讎先生試一決太叔有野謀庶幾厲憐王執燭炳
其幽

崇陵片石詞步瞿相韻

漏天不補石應語銜闕不茹意獨苦粵客脫贈滿琳琅相
公下筆驚風雨云是橋山復土遲原廟衣冠劇可思
埋幽難得冬青樹扁刻虛傳响嘍碑禾絹閉眼不動色外
有魑魅內牢石南風不競鼓角生西征一騁驂騶迹驂騶
迎歸帝后同龍髯攀絕小臣弓異時宣室延賈誼今日
茂陵愁所忠戊申召對養心殿適值國恤金闕秣馬對荆棘烏啼花落
呼松柏極知遺璧識如新不道書門血猶赤刳腹蒼茫無

與友抱琴痛哭爲誰守說來塊肉我猶酸況乃承恩最深
厚問石不言言恐悲丸泥捧土今烏有絕念南來汐社翁
不見過江會稽叟

贈湯老

百尺孤桐空有樹平生意氣久應休讀書尙可半袁豹垂
老相逢一子由處處問名從裏飯區區積習只捶鉤向來
陶令容張野今日支郎就道猷

讀陶元暉中丞遺集作歌有序

公諱朗先字元暉明萬厯閒知登州擢海防道及三
方布置設登萊巡撫以公爲之三月而得勁兵三萬
馬仗戰艦萬計當時東事幾振遼撫王化貞與熊廷
弼異議公牽連入獄以死逮功狀顯襮而拔遼民一

事方傳與史文互異黃尊素王崑繩各有異論考天
啓元年三月清兵取遼瀋遼人走山東此拔難民方
傳所謂給地募兵序在任撫前二年正月清兵入廣
甯士民薙髮鼓樂以迎則航海至登者皆敗兵降將
史所稱不許渡遼民也崇禎五年孔有德陷登州實
遼官杜承功等啓之公所謂禍登州者必遼人也方
紀其前史述其後各不相蒙登州嘉興兩志皆無修
隙兵噪之事且公於元年七月到任二年六月離任
正改剿爲防之時即公自言廣甯陷後軍有寒心一
經激勸士願從征又當時京師實有流言謂爲民變
兵變乃知黃王之語實出訛言不若方傳之稿也况
東人走訴納餽號門立祠尸祝於二十年之後必無

禍登之事明矣予聞之福山王文敏懿榮兄弟言其
遠祖從公患難最久公貽名印一方至今保藏家廟
公之惠愛久而愈明爰作歌紀之

北辰將圻天雨星太白竊得梁玉清公於兵閒宜樂死委
鬼何物能力抨選徒三萬馬萬匹朦朧貝冑一一精氣吞

遼瀋網三面力開田穀雄一城此豈有意於乾沒韓公曠

畢公嚴論久明遼民之渡各萬眾前撫後拒最得情遺黎

走訴且尸祝知公愛我謀我生當時極唾鎮臣語沈有容見

事了了天人英鴨淥君臣尙痛哭烏臺黨錮眞無名朝廷

自棄檀道濟天生空有李西平史傳脫遺何足道二三君

子相與爭大文所垂一已足况有後死兒甯馨白公子學瞻

能隨入獄學琦公之雲孫我舊學謂子佩雁湖復是賢公

能文有節概 公之雲孫我舊學 雁湖復是賢公

卿謂公之從百年文獻常在眼搜羅不異書鑿楹不特叢
編有掌錄亦見遺印留書棚王家兄弟最寶愛云是乃祖
從公營相傳幾世不忍褻公恩深入登之氓彼哉攜養崔
呈與李煊尤極可恥王化貞傷心固在覺華島一語令我
雪然驚賊亦易破黨難破苦者皇上折者兵推背圖上久
知定公以上皆用無乃自掉直言旌實官實作聲去死亦得公亦
集中此是萬世之典型琅邪之臺之采海海水逆上高秋
橫錢牧齋參政譚公銘記登萊兵噪於天啓元年而不及
明史劉元珍傳光宗即位遼瀋既沒元珍上言劉國縉乃
李成梁義兒創議用遼人擁眾數萬欲問道登萊竄處內
地萬一敵中開謀闖入其間何以備之是廷議亦不沈將
遼為然譚掃庵云王戊亥間先太僕備兵登海與沈將
軍同軍力持航海遼眾插全活十餘萬魏毛權焯方熾沈將
沈將軍力持航海遼眾插全活十餘萬魏毛權焯方熾沈將
軍罷歸太僕以勞卒於官是日必有爭執惜集中貽譚凡同
譚之主渡又與撫異疑當日必有爭執惜集中貽譚凡同

書在關目中今不可考矣袁應泰傳天啓元年四月遼陽
失城中大亂民家多啓扉張炬以待婦女亦盛飾迎門

昭陽赤奮若

懊惱歌

稚柳嬌黃感不禁蕭蕭風雨閉門吟平生錯解回天力枉
向中原苦用心

司天巧麻太人情蟾魄彎彎不用明盡去閏年留月小

句與郎今日共長生沈括有陽麻議

珊瑚孔雀生來俊捉得歡呼不肯休拚命怕君無戴處小

兒拾出大街頭

怪底今年六月寒重縣未拆夏衣單南風并作北風競宋

玉雌雄為道看

人才亂後始分明浪蕩浮花一掃清平世達官容易作去聲

何人不道有能名

帝諦皇煌已告終豹兄鷓弟日爭雄鳳凰雖聖今無用黃

雀何辜爾最窮

題游藝厄言

高士白門張扇筏殘山賸水筆多姿僅於藥地傳方法漏

網珊瑚別有奇

張可度詩品畫冊以水墨濡紙加墨其上

竹翁論畫是吾師品學須優筆始奇後世桓彖誰得賞但

如貪賈博多貴

近時潢匠太矜辨觸處生憎鬼手馨倩女離魂大能幻恐

防彩伴失嫫媿

亦有良工補綴成書傳百衲畫吳生最憐脫字蘇和仲飛

鳥能聯語特精

我鄉文學顧中村畫品名家細細論苦學回溪分韻法鉤

彖提要付諸孫

康熙初顧仲清著畫姓韻編至明而止其

冒雨獨游百花洲

佳哉吾家一泊鴛鴦水幾時偷負置之灌嬰城明窗綺閣

玲瓏開四面長松短柳欂欂一庭吾來頗疑挾之與俱

至隔浦但少箏船三兩聲暫喜煙雨繪出水村畫安得樓

閣驅使連蓬瀛正可攜吾家具折腳鐺冠鼈亭上拾椽將

茶烹清吟硬句欲識雙井面解頤拄頰且看西山橫誰家

祠宇苦心當培擊

功名何物但入時人眼吾亦持論不喜王文成何如吹火

擔頭學作釘鉸語那肯索米筆底乞得誰某名荷花世界
亭以東一塊土環以雜樹上有流鶯鳴茸茸茜色染成釵
朶樣鄰鄰水勢蹙起琉璃明忽憶吾祖楓葉雨聲句今無
擇石心餘此眼何時青乾隆丁卯德憲公視學江西邀坤
有客欲聽楓葉下今
朝兼帶雨聲涼之句

滕王閣

往讀吾祖江西詩徧題康郎與謝祠獨闕章江門外滕王
閣初疑荒陋故略之及到春浦惜別地乃識臨江高閣奇
門繫贛州黃篋艇旁插故壘招搖旗拆字攤子痴傻叟吾
來爲決枯局棋不知當時有此否少年賦手貪著輕綺詞
八扇屏風刻油素諸家文字皆無施今閣中無他文字
惟屏書王賦耳爾
壻宿構幸未出不然恐被人點嗤此閣但爲一家物吾祖

真得無言師

蘇詩誰能與
結無言師

後來有景不得說千二百年風

燭馳今吾一著滄桑眼看取春雨莓苔滋寄題鬱孤臺下

淚時有隆裕
太后之恤有口但令舟師知

晨出涌金門看山俄而蟄先挾陳山人來與之飲酒談

星命有感李君審言恩怨之語次韻酬之并柬湯陳

玉泉院內看金鯽水磨橋頭作殘客攬裘雖敝舌尚存指

海欲逝夢猶窄我豈當時虜家子浪扮蛾眉傍人市曾叱

督郵是小兒甘逐夜郎甯便死煩君苦語費推求果然置

我百尺樓可憐詩卷不自濟除卻囊錢無可羞至今避仇

如盛憲看到揚塵念王遠敢將祿命問山人爭保何恩我

何怨爲言六博無全采十韃何妨戲人海好酌流霞袖底

催莫放青山眼前待內史姑布皆典型語妙欲發隄柳青

徑須日日來湖上來便雙柑載酒聽

惠恭葉先生挽詩寄煥彬

葉家盛文學出自橫山支何時走江漢來作陶朱師文學
不救飢牽車爲世嗤翁今兩不居鬱爲湘中奇令子我舊
識寄我哀痛詞世途方險巇達人竟無時深衣古人服因
動古人思願交不識字斯言益淒其
皇天分四序奇寒固不免翁乃少得之道力遂能遣兼金
撥秦灰歲饋走吳艚古俠似孫碩家林啓崔篆一咋不可
入堅若白璧琢笑擬博陸侯意氣終不淺如何二子單玉
樹竟先掬我尤暱默庵臚傳發古銑誰知臨別言瞥爾風
蕓卷哭君兩世人我髮那得鬢寄言報卽園楹書爾須勉
憶坐觀古堂獨有書一倉留籤常夾卷寒具每連裝崔詩

入允集祕史分官囊君如蠶食葉我方鼠銜薑八年足投
分幾日愁分張當時舞綵意畫卷充壽觴一朝風不甯打
頭號嚴霜書來已隔歲何以慰劬勩長沙最卑溼兵勢尤
飛揚未爲百全地思之我心傷

我爲退風鴟君乃逆毛鷓相憶不得語各在天一方前日
湘綺來略道殯儀長萬人鼓相送丹旄連兩坊還讀者舊
傳宜得道路光中間私諡議姓名常若芳事事饜君意一
一爲禮防書此付急足又恐迴君腸但數前日事蕩氣爲
一詳何年見天地江路追翱翔

湖樓藤花歌用竹垞紫藤花下醉歌韻

煙雨樓南百尺藤縵胡被面瘠不槁未須京樣架危棚

漫錄唐端仲題趙大年歸田圖畫卷云始識何年京且凍
樣熟菊籬甯似景龍邊京師吏工部藤花皆紫架

祕色連芳草一槎倒臥雲滿身半扉乍啓雪如掃入膏須
煎恣饞口分香能熏鹽書腦其餘靚妝妙瓔珞回波急催
歌栲栳蝶爭蜜蒼怯風高鳥踏餘花啼日杲此樹尙是乾
隆遺兀特孤騫幾合抱游人剔剔不肯休未與危樓共傾
倒翠華過後賞何人眼見承平爾最早春波角里十萬戶
三馮四錢紛詩老吾之先人移家來聯吟往往參郊島當
時柳陰或泊船繁英想亦點衫襖我來看花生苦晚彷彿
誦詩想魚藻頭白逢春知幾回千萬莫負花時好
蟄翁置酒劉莊遇歸安錢念劬縱飲期醉既而遙峰日
下復掉船裏湖歷花落南屏拂三潭而歸念劬不能從
也詩以寄之

惠休招我游城西入山一徑穿榼榘風月總緣良老子幾

人义手來留題鄱陽暴謔中酒作座有谷居繞雷明湖低
擊節權歌譚介石閉門湖錄鄭芷畦先生楚狂狂不發放
我獨掉花底迷南山欲暝催艣竅恨不攜得汝南雞

書楊周斷碑後

碑云周陳臬畿南逆璫之黨李明道天啓七年李明道總河道見魏

忠賢傳以使事南下勿爲禮忤璫意潛伺怨家構之闔

門震恐卒無事璫敗交薦起爲楚臬歸隱湖山與杭

郡志忤嚴嵩黨藍璧者不同嘉靖時有藍道行者假

田玉者嵩索符籙進獻其歷官亦與志言督琉璃廠權清江浦

稅者不同碑出當時自爲可信癸丑春朱君得此碑

於西湖農家拓紙屬題因爲辨之并系以詩

仁和楊道甫失意於闈人其弟名兆金納約爲之伸交辟

司楚讞歸其無事春風骨亦不惡所惜傳非真愚哉鈴山
叟放手爲不仁生則人所羨死乃眾所曠竟成射名地以
爾爲積薪蔽罪事須竟陷文堅亦磷不見武林志言之何
津津所處誠下流誰能爲爾顰發土得貞珉疑義如撥塵
史筆有時誤奸諛無路新撫碑再三歎善人終不泯勿爲
口腹累坐致風火淪

松崎鶴雄招游聞北六三園煥彬葉子避兵來滬與之
偕往座閒遇長尾楨太郎高瀨武次郎皆日本之能文
者也既欣雅賞復連勝侶輒引聲長謠以寫我心

平生未到蓬萊鄉傳說仙人不死方長風吹衣見乍圍羨
門安期桂之父拍手爲我浮大颶如瓜之棗香盈庖觥使
回身立地嬌玉繩提壺不肯饒鸚鵡學語背後誚獼猴起

舞山前嘯

皆園中所有

老儒鈔利頭腦工一日挂眼領其要回

問長沙葉郎園當筵定子幾人存從前怒袖翻新曲督府

京腔只嫌俗

午橋無湘大賞北班煥彬以高腔

何如東海

傍鶉釵漿胰媚好月臨淮無心可以轉胞坐醉來癡點半

俱佳語笑未終日已斜松公欲放貫星槎佛前一磬聲聲

滿無數落花點碧莎

仙居篇

善化相國楚澤放臣蘭臺舊史行遁江介蕉萃經年
依黃歇之浦思羅含之居枯樹不花壺公之天亦隘
釣竿欲折江潭之漁且空於是遐首燕路則樂生涕
泗於放絕之餘賦出江南則子山搖落於榮華之後
况廉頗用趙每拊髀於炫服王粲登樓輒抽毫而士

思洞庭秋始波左徒人已老庶幾成煙將斷江路或
開翼峩舸采陽阿款華轡踐莓苔招劉安放散之雞
下蘇耽彈射之鶴思至成謠情在可見予以故吏託
契後旂曾預廣筵言詠其閒既命爲圖復有斯篇思
途猥局詞未獲宣謹抒餘簡序之云爾

飛棋層楹鏤玉璩非公縹緲誰得居四照花開繞屋樹九
衢萍靡夾池蕖國花臺畔尋常見上林枌詣何物藉羣公
賦詠在畫屏開胸寫意促合讌自言閉門可百年長沙柴
米瀉山禪朱家嘗酒亦不惡隨意銷得杖頭錢一旦天邊
月食昴復聞梁王進輕佼相如枚叔半死生大猷大計皆
被撓車前不見貂襜褕道閒不見金彈丸何況我輩漫浪
士唾井那惜井水寒君不見通天臺承露盤臨載透迤清

涓濱仙人當之亦淚汎又不見胡旋舞鞦韆革舄盡是當時
得意者裂冠毀冕曾何惜神鼈抃後出嶙峋海水枯竭見
一塵洪厓子喬日相待紫房青瑣鬱如薪勸公日飲袁絲
酒奉公不老商山壽園栽無用魏王瓠門移何許先生柳
瓠垂大實蔓高櫺柳吐愁絲拂曉庭卷簾閒向天河望何
日乘槎到客星

燈船十韻效新體

七襄動仙駕多寶炫湖船吳菱方薦實池藕未論錢水蹙
魚苗細風裁鷺翻圓橋頭兩槳渡閣底九枝連玉淚金莖
露瓊花火宅蓮繁星爭切漢黃道密規天理斲鸞投髓黏
盤桂續煎喧呼大垂手促坐小游仙齊髡休滅燭常娥本
不眠請從世議外來看明燈前

遺火

火乃生民資亢極足爲患何況物累攪決去不待諫予鄰
有遺火鬱攸始牢棧奔突忽中嚴斗概無外辦熱屬走炎
官朱幘卷緇襪焦爛以爲期頃刻若葭亂我生懲厚亡亦
薄於仕宦辛勤有此居拉攤不足惋炎德實寬大熏穴寢
暴戾飛廉竟赦宥有部留其幻朋好喜相存佯若魚脫汕
鄰家亦交慰瞑眩始一濟天其大倣予迫此徙薪歎詩書
旣捨賣田宅亦土斷還爲天地物祝融安得聞何者爲火
源熱惱不可玩善閉乃盜資蹲甲爲敵環昭昭理有委一
毫勿怠嫚驅予鵝鴨羣解予衣襦襪冥造騁精察窮詰無
餘覲天慳刮舊贅俗肚破積慣託命於三光逍遙南溪澗

讀穆天子傳

我生三古後篤信乃在古爾雅說四荒了然若可睹敗冢
出遺文祕閣炳其矩大破膠柱絃一決郗家蠱古文於是
立諸經得宗主斯傳實先鳴於義豈小補
穆王侈之首夸者以爲仙鄒公古篤士祈招諫當年雄張
西北道伯天爲之先幸居成康後物力乃得全金璧餉大
荒麕狍日隨鞭耀德豈不貴侈心亦宜捐
皚皚瑤岸雪縣縣鴻露雨懸度乃寶所羣玉亦策府金匱
發師巫摘厓使不腐恨不託乘游陶叟頗亦取我欲問西
母雅歌協舊譜師心貴止戈強國不在武
西方婆羅門於古最爲尊五明出大論八支開眾昏西母
無乃是兀然處崑崙築宮樹阿耨射臺禮軒轅古來文軌
合玉帛時相存千載始一晤寂寞祕斯言誰縱海西權一

訪甘英倫

甘英臨西海彷彿遇至人後之言王母無若斯言真杳然
朱鳥窗方朔進讒囂不觀瑤池上賦詩固善鄰

日道路悠遠謠詞正與之合

弇山迫西日河宗開東路環轍三萬里駿哉造父御因知
古經涂亭障固不露一自禮教衰遂令風氣錮滅國乃無

數存者失其處安得鄉三物彌縫使其固

大道惟淳朴風俗但任卹其民安不諍其政典不軼所以

道途閒樂此歲月吉對博過井公曝書理蠹帙後王古義

微詩書變法律雖有駟柴良何處警我蹕神椎起博浪宮

車困一出輿衛日以嚴戎亦不勝詰嗚呼王澤竭齷齪抱

冰凜盡氣一快閒終無太平日

和陶飲酒二十首

昔孝標自序輒擬敬通予與陶公雖非若人亦有同

異可言陶公少而貧厄飢驅大江予亦寄食舉橋望

門止泊寒醯晚鮑盤桼潛辛年過中身不知有家之

樂陶公一鄙督郵去不俟劾閒居述酒抱歎重華予

亦坐笑揚雲幅巾歸里數窮陽九掩臥空扉漢臘奉

先要之百歲陶公乞食資生忍飢終盡予亦晚歲飢

臞託命友生年智俱窮惟餘冥報此所同也陶公早

工柔翰篤尚六經予則五十為詩略盈篇卷殺青未

竟頭白可期陶公賦詩責子涕泣仁妻子則出腹早

殤傷心作賦孺人既逝入室寡歡莊缶空謠人倫道

盡三刑值命天運何言陶公義熙之後名以之高白

衣中路之酒高禪過谿之行沈冥一鴻弋人殆絕子
則蒿萊沒徑身名翳如才不逮於詞人事無驚於眾
目嫉邪之故取怨郗家短誚狹詞不苛而辱此所異
也生有微尚積有多感率爾命篇託之於酒依次和
之適如其數嗟嗟予生學不逢時官不擇地寡交而
厚給無家而有累值王降之終居亂華之首閉門晤
歎曲室無酬貧士多師慰懷亦罕此所以自擬古人
千載足音望似之而喜也長吁成引瀝血爲言雖曰
固窮窮亦甚矣不有杜康將此心何寄耶
長途局短轡持此將何之未得盈樽酒豈足忘此時一陶
中聖人酩酊常若茲世情兀不入理勝居何疑我命在牛
斗天靈爲我持

境往逝若水情來兀如山孤嫠漸壯大弟姪庶歡言飢寒
撥不去衰情且逐年歎息榮啓期爾樂宜粗傳

我父臨沒言拊枕不勝情以此屬累汝屬累豈空名我時
奉役至忍痛有此生教養幸未墮死喪亦可驚不惜身糜
滅常恐言無成

庭前乳子燕出入矜雙飛我獨窮於人塊然常可悲良妻
易箆語獨愧無兒依有若流星劇死沒空爾歸末路望令
弟根芟胡遽衰抱我結不解庶幾願毋違

何以慰我獨阿子兩番喧何以安我老書卷一牀偏此中
備人事我念大滌山郭文家累盡一往不可還完士古亦
少匪獨今難言

傳言到魏晉古義不如是內異旣圓囂外虞斯叢毀古來

亡國人奔利莫不爾且飲酒無何絃詩慕黃綺

梧桐有高柯秋菊有精英嚴霜詎不苦改節良非情財多
世自足旨酒我獨傾蠻觸有形累螽斯迫秋鳴若復老不
止知有幾日生

豹兄語鷓鴣弟各有雄桀姿鬪場勇覆醢挾海輕折枝問君
何以然恃貨爭居奇不如酒中樂酒至澹無爲元誠拂衣
起僕射何足羈

故人來勸駕惜我顏不開慰以束帛賁動以蓬矢懷富貴
固可樂與時未嘗乖何不引鏡照我老實栖栖一脫豫且
手曳尾常在泥不暇七十鑽爲人高作諧惠心君有尙知
津我甯迷百川東到海問訊何時回

阮公澹蕩人長嘯交座隅酒醒起作奏高鑿輟中塗予出

亦格士多才爲世驅北轅情不返晚計痛有餘我幸未有
名閉門無失居

在昔咸同閒寇攘東南道弱齡遭閔凶常憂不得老我母
及皇祖毅魄貞而槁提攜大母徐傳經苦愛好嘗言爾所
才當爲我家寶至今老無成痛哭於何表

牽絲及盛年峩冠方入時一當內制筆七月遂與辭去爲
牧民吏艱難實在茲連章請急劾罵座不復疑州縣何可
爲祖訓不我欺吾去未一期國危亦及之

伐國不逾時討賊不越境湘綺寄懷詩謂我爲獨醒憂在
本根壞世人常不領詭隨固大愚激發何遽穎俚俚幽室
中當以詩書炳

華陽騎省郎招之不肯至季鷹老步兵一杯但願醉問渠

何能爾未嘗失造次反之幾微中何者爲可貴自斷固有餘其事常無味

貧賤有得力累心寡田宅昔從勤肅公居行無轍迹後來閱歷到聞一乃貫百居官若無官辱乃爲大白恨未窺聖處覲面如可惜

吾師沈中丞深於劉五經瘠立老鶴鶴膏腴在學成著書不肯寫孟晉隨年更甘蠅學飛衛秋駕效於庭田連師子春海波發奇鳴不遇方便說何以塞吾情

幽蘭必擇地鵬翼必搏風直徑了然在不墮蒼耳中孔門貴固窮莊叟貴冬通經經獨何尙學箕固能弓吾性有通蔽耐貧是所得嘗引介推分不眩楊生惑故人知我心無谿而亦塞一觴陶佳辰建德庶有國此口但飲

酒初不問語默

少小懷耿介所謀不在仕我伯學士翁謂爲不失己冉冉向立年仲孺未嘗恥開經題講肆潮溝是鄉里挾策俄投鞭交津困星紀默憶所經歷步步踏坎止壯志雖不諧素節固有恃

黍離降王風春秋濟其真殷勤夷狄戒救敝在一瀆早憂溝沓儒耳目日趨新禮樂一破散其禍將劇秦自從亂華來黷黷充虛塵奈何新少年學胡無不勤顛覆舊典則離析故情親胡書雜胡語交喪猶津津曷不自整飭禮法從冠巾我醉語不悉長爲上皇人

酬沈乙庵師代柬

先生詩骨玉樹交高睨聖處撓三爻食熊食蛙各肥瘦并

包眾手爲一庖我來問字苦學晚每以大官陵山肴作者
無數嗜者寡竹垞而外一例嘲去年勸我學山谷今年勸
我讀孟郊更和一詩五雜俎仙人初合續絃膠獨於瘦齧
不我許大苦鹹酸皆入炮擇肉虎豹亦不忌得髓鳳凰何
遽消蠶蠹空螯馬甲脆有口甯忍瑣細拋請從樓護鯖五
侯餘味不滲始曲包近學韓孟聯句體但覺賦手連書鈔
一篇新詩并寄上喈哉孺子如可教

戲和餉菱

俗傳乾隆此訛言也緣

南巡食南湖菱美之從是無角此造與發端亦解嘲客難之亞

菱爲水鄉士曾進天可汗可汗賜顏色官蠶彩袖堆團樂
雞頭與作奴籩豆列之官自稱臣是折腰吏提封萬頃樂
便安唐朝隸鄉貢唐地理志蘇州有折腰菱家世頗不寒田田長子孫
往往登薦勞衣冠尙方或宣索輒請奉一九藥言不苦口

糯性能和肝世俗傳是玉皇食吳女到今另眼看多情唐
夫子作詩發其端百果皆改節斯菱乃獨完謂爲不叛臣
於義殊可觀我亦前朝拂拭人到頭棱角不得刃菱兮菱
兮將奈何與爾兩身一意便可挂壁乾

酬葵園師

秦王刻博無全著變雅風微有楚辭老大左徒無一事但

呼皇考對江籬

來書謂刊成尊甫先生詩義標準

汨羅水不到江流有女高北惜遠游不見蛾眉矜善嫁琅
邪大道結重樓

烈士祠邊有殺身木腸太守本無倫倘逢土梗語桃核定
作欬寄可笑人

命宮每值惡星辰太歲當頭是好春誰似長沙王祭酒替

持公道意何真

溧陽之端蒙自之楊成我
青山獨往來詩每及故云

贈陶陶盒

貧乃古丹訣，礪然鍊人骨。所關衣與食，斂若行朽杓。如是守身口甯極，不可脆。所以耕讀人，萬世無敗闕。之子忠孝家中丞，大貽厥。謂元暉中丞乃翁文苑豪，清貧敦先閥。至今食文字策，以農學發一卷。都尉書雙轡，道義軛自致。碣石館無取，金門謁念從。避事來相見，在耕望喜心。呼神明深談，撥楫拙吾師。有佳兒如日，代以月持茲。重璧輝照取，連理樾我貧。何所贈一言，當喻箴守身。莫如儉守口，莫如訥取給。不用多儲峙，亦無竭恍入。崔嵬藏那羨，黃金窟往矣。享名爵，慎毋厭糠粃。

與陳善餘同年別十年矣國變後見於江上各道倦游

苦要作詩遂次其事為贈

昔從陳無已，如識柳伯騫。一襍黃金笥，溺之而已焉。日望大江水，知操獨繭絃。學成不肯仕，劫壤乃如仙。閭里誰不羨，萊子名最賢。風亭勘野史，露坐鈔斷編。對山兩金焦，弄泉一潺湲。南徐古帝里，北郭今儒先。相視不可道，各數霜毛顛。要我苦作詩，飲我酒如泉。一拭滄海眼，再覩齊物篇。異時轟喝者，花下無留韉。常為苦硬人，死樹抽生妍。孤花休獨笑，厲王每雙憐。言詠幾人在，江山仍暮煙。世事不過爾，拉雜付一邊。請證淨土義，坐話無生禪。伯仁洞無物，宏景在眼前。松風果不惡，屬耳常纏縣。拜倒三層樓，珠箔起半天。

題王仲瞿遺墨為謝蓉徵作

王郎霹靂手筆力若神受仲瞿內子有夢神授但須大作

諾喝雷驅怒蚪著墨豈必多落紙自可壽夙昔南野翁說

劔心獨厚吳文溥有贈慘綠正少年壯采耀珠斗誰家侍

中郎一諾黃金友赤舌不可當歸來示婦口謗玉玉何如

大笑楚左右賴有耐久朋殷勤為舉酒吐氣纏蛟蛇掠樹

落八九相傳湯敦甫苦於酒座要君劔咄咄雙莫邪還成

獨往叟秋涇為君居虎北為君阜煙霞為君文冰雪為君

偶遊戲君之餘所得亦豈朽謝階蘭苗初官奴帖付後諒

知阿母憐謝之大母是王之姑義重一經守為書特健藥

不覺蹄涔蹂常恐觸劔鋒偏視那敢久

十一月十八日游煙霞洞予守邊六年目倦嘔欵心戀

平碧一日接賞險似邊隸矣賴見古佛聊寄晚迹耳

西方安養國乃在赤山步延緣三四里詭側引前路病竹

拂馬驕危碣伏虎怖一屋當巖嵌拾級詣高駐幾輩嬾殘

僧滿座鄉里故山缺露錢江洞深起古塑荒閉凡幾年茲

來激矜注壁閒居士偈各有倦游募資緣窺其際已如囚

脫錮其時為仲冬百物禿芘護骨立見性真毫毛如可數

勞歌跋兩肝善博僅一顧恍然守邊隸危旌掉歸輅不有

大醫王何由起重痼幾時王道平地地與金布拉僧下山

去無迷誰得悟安然以法王法法如法住歸來滌湖邊著

書學種樹

謝蔣孟蘋惠書

多情寄我荔牆書算盡遙年為榻藥獨起共和記長麻早

知不用授時初

春明坊近借書看知出汪門定不難枕股竊傳孟喜學置
身好憶謝庭蘭

題勞勒庵先生釜麓歸耕圖

天地平於掌安居無古今山林矻獨往堯舜無此心虛空
如可逃飛鳥不處林君子爲其難拂衣遂相尋勞公古篤
士奉身如球琳弭亂進一策曾以拳匪源流策進總署當辰抗六箴晚
究四門業坐見九鼎沈甘爲食薇隘遂學吞炭瘖釜麓非
吾土力耕非吾任舉家戴襪襍委身入嶮嶽豈無星象動
敕斷使者臨三年不改視一節良所堪晚村講學地楊園
寒風吟大布脫粟飯歸來就向禽漁釣無不可入山何必
深我家澎湖上流水理瑤琴鴛鴦七十二朴朔和好音春
至桑葉綠翩翩來戴鷺小鳥亦有適俗慮無緣侵持此學

杜門膏肓何時鍼請公加一算大衍良可斟無用斯其用
知叱躍治金勞精籌算故及

沈氏三希圖絜齋實甫退庵三觀察皆年餘七十重聚
海上繪圖徵詩作此贈之

東陽瘦不足東老樂有餘彈鋏三弟兄歸來歌食魚息心
度塵劫還丹耽道書平固無不陂老豈壯不如試問七十
年誰毀復誰譽小儒紛臚傳喧然論卷舒高幢撥換馬白
日驚里閭我道澹不腐遊戲狙公狙一量赤玉鳥八枚黃
金鑠於身等末事良未足啓予所羨沈家脾軟嚼有餘蔬
蕭然一飽外澹爾無事初商山自爲輩閭風如可居天親
與無著對論三乘車

登六和塔

開元三年智覺禪師建舊壽甯觀也光緒中侍郎朱智重建塔凡十三層施銀十萬

此塔誰所造前朝朱侍郎財施五家共流與大江長居然
智者事破散乃不妨寶磴爭百級諧鐸鳴諸方我矜猿捷
勢遂造螺旋房倚欄一相眇山水無處藏日月出其脇帆
檣揚若芒一綫入海處濤頭不得彊章甫適諸越熙攘但
糝糠乃知學高明須恃神韻頡頏同來有耿老好事過我狂
三日裹糧走百尺進步忙選勝出天外垂足何遽惶歸來
腳力倦尙欲掉舩艤請俟春水至迎汝松木場茲塔可爲
證斜桷低夕陽

自題山水畫

癡翁曾掉拏雲筆寫徧槃瓠險處山銅鼓衛前笙月夢可
能無事憶爛熳

我今已入畫圖住白苧連村水繞廬明歲須添黃犢子興

來便駕獨輪車

滄湖遺老集卷一終

滄湖遺老集卷二

秀水金蓉鏡學

闕逢攝提格

題譚掃庵詩

譚公卓立如斷山六子散朗皆瑤環元孩死忠掃庵遁孤
 撐大屋爭百閒讀書喜得野王墅鞞履真學仙人臞參軍
 且免謝舉羽使者何有程鉅夫掃庵先生明甲甲後卻瞿
 有鞞園兵燬後重到東園有鞞園兵燬後重到東園過江人物驚飄瞥先生掃室但
 改題遼鶴軒著書終老改題遼鶴軒著書終老一潔賦詩非名公自娛結交皆俊我心折當日遼鶴留題
 句從游尙脫戶外履後波遮莫是前波我今并乏閒家具
 即用先即用先蒼茫重訪讀書堂鴨腳新陰復過牆認取青瑣一
 生詩句生詩句片地子孫仍住碧漪坊遠孫志賢開宅舊坊近復

由拳百里耳其賦乃百萬離而為七區割剝如雞健幾乎
 畝一金爭以人命販大夫饜若魚天下欺其愿皇帝曰
 無辜累減未脫綦謂例不當免羊豬固應圈康熙乾隆普
漕米則日號稱七美圖吏來無不健
浙吏舊呼嘉興七邑
例不當免
為囊橐
悉藉恣
例不當免
為囊橐
悉藉恣
 鍵持為他人娛儼若太牢獻宋元及明清斬焉無遺蔓惟
 餘長城謠春杵尙相怨反忘作俑人骨冷賈師憲里中纓
 紱者建鼓逐一婉獨有焦炳炎涕淚交泗返我逢辛亥災
 深心示繾綣未及施役車已脫輓閭左何當蘇野井
 不可唁作為黃竹詩痛哭白苧堰諸父與諸兒仁人當予
 勸勸亦不可期困亦無所遁欲叩天路高我心只一寸

陪沈乙盦師登煙雨樓次韻

能脫風塵卽是仙
 人花樹劫灰前
 當筵喜續臨河帖
 似屋初牽上岸船
 老去西臺惟痛哭
 往來東郭只隨緣
 麒麟洲畔鴛鴦水
 日共迂儒作聖顛
 陸沈何處好游仙
 變幻煙雲只眼前
 西接王官原有谷
 東連笠澤最宜船
 情知高格樓宜臥
 指似挈音葦可緣
 到此須空百雜碎
 惟應常住兩狂顛
 宿有斐館呈張嗇庵先生

刻櫟雙標謝墅名濠南初喚一巢鶯不為丞相能開閣未

學君卿已合鯖燈火上樓連野色邯鄲入夢到天明醒來
 始是田閒叟欲向先生乞太平

勞山歸隱圖成勒庵丈詩來不欲以隱名走筆酬之

隱人有三科其一恥禪代盲瘖絕視聽耿介亦其概本梁書處
士傳何爲心嘽嘽恥以聲聞逮抗憤固非中和光詎云晦
託之日逃世無名諒無悔出則蓬累行入爲抱甕漑四皓
魯兩生姓名不可載嗟哉賢大夫潛耀在海岱何如吏叩
頭詭以迷路對琅邪海波興礮礮尸祝戴倘遇安期生爲
我問警欬神仙如可求庶幾釋耜耒

書高伯平先生東軒集後

儒閩而浙臉居貧意常慊張楊陸清聖一里公瑜不相掩
畫淮走經笥客杭老講簞蓋無寸鐵施而有尺璧剡其辭
吐滂葩義必貫顏冉渴吻纒四始躋頂蹈絕險過此大方
家乃入風騷漸我承滅學後愍儒臥巖居誦聲一以寢窮
年憂鄙儉一叩黃鍾宮大寐斯扶魘站站飛鳶天業業防

身檢傳心飛蓬閒薪盡火猶焰

鼠對

敗壁有魯經寶愛過衣紵篇篇出秦赦何爲苦速汝遂聘
淺色貓博此姦黠鼠鼠言世不學何用矜博貯不如果我
腹亦可巢我旅席壽四三年瓊壽又長許寢饋於其中勝
與腐儒處貓一聞鼠言欲噬又停佇我愛主人惠義不恤
爾所怒嚇曰死鼠頭若擣巾杵何不早徙去毋謂我齒齧
鼠不肯徙去乃大矜其侶蹈冰礮最豪居火木能炬飛鼯
與斬狐不足辱鼎俎博存終軍颺恣嚙唐公黍同穴狎而
然五技窮何詎雜然相與議巧偷而潛沮諸事可束閣曷
不廢科舉以此巧相中傾彼彼無鉅於是遂同眠跳跟不
可禦貓且伺肥甘鼠亦大齟齬主人不勝憤委去如土苴

貓鼠兩不治，寔藪覆敗楮。六經遂放紛，聖道乃絕緒。鼠更相勞苦，自今莫予距。顛倒盡裳衣，抵觸及燈杼。大騷屑房老，近作怖兒女。嗛閃晝亦動，曲折夜無阻。翩翻嚇鴛鴦，彭亨笑羊犂。有時化蝙蝠，飛行掠田墅。勿謂首兩端，頗亦齒詩序。解仇對貓語，世世無所與。霍光傳世世無所與功如蕭相國師古注與讀曰豫

此用三聲同叶

詛足瘍詞

甲寅七月予既宅堰之四年也，暑病告全，炎熇亦遷，將爲近游，以適我賢，腳氣大動，滄擢無蠲，移而爲瘍，乃處乃纏，遂憤而詛之曰：

流金鑠肌兮，乃良其趾。行作犬豚兮，白汗流踵。我如病葉，搨於枝兮。舉步蹇連，有餘虺初見。一星微可搔，繼如滿月。

突而腫，俄將桃顛點。注久乃汎，泉側涌是固溼淫之所爲。其瘍十日大潰，使我僕馬不能駛。吁嗟乎瘍酷不情，瀝肝擢胃大呼洶。我聞足於卦爲震，號號震其軫。在身最無罪，瘍乎毋相覓。又聞足於象爲地，地戶牢其棋。缺陷殆偶然，瘍乎毋苦恟。我思自有我足來，不曾走乞權門寵。何爲忽困卻至鬼沒階，不得作趨拱。又未曳得上殿履，一跌將族爲人重。曹輩竊哂平行耳，不宜妄效禹步。拳北恆南嶺，走重趼將養。未用穆王漚，行人所恃兩腳健。腋毛久已如脫，鼯邇來稍稍慰。倦勤跂石枕，流不踏壘斯瘍。毋乃大不仁，作威專向無辜。烘瞞天仗勢，賣寒熱虐於瘡鬼。酷於俑我，欲使第父祝。由雷公施勇山圖，奉湯俞跗灸壅。決去根株，絕其浮冗。敷以五色石膏散，閣帖云服之行步如飛娛以六樂鳧氏。

甬封以青黏散包用黃牛鞞瘍也始踧踏捷去駕連鞮染
草莫遺臭不動階下葦乃平復如舊完璧還其珙一夔尙
蹠蹠況得兩足擁起如健犢飛不作跛鼈踊蹄迹無不利
殃咎絕其種擔簋躡屨何不可杖扶筇將任愆憑卜日丙
丁火烈俱悚不爲足咎大陳我鯨濯煖湯踏蔓茸圭璧兩
植香燈雙捧趨踰其度洩洩溶溶告社神而雅拜步魁岡
而結竦於是行吟澤畔其名闕齟起則負鋪死有敗豕招
魂四遠呼大荒敦脈血拇永無恐作詩寄耿謝有足疾如
法各各奉反踵順其常焦爛登於隴雕題交趾人聞之大
歡聳佳哉龜手百金藥速封湯沐邑於鯛不然幻作飛鳧
仙一圭服之脫而蛹

讀聞湖詩三鈔

一踏長虹四十年重來惟解弄潺湲青衫何處故人面已

見吹簫按拍傳

姚念怡吳初秋陶韞臣皆昔年同試友人

萍社聞人有石林惟將故國託詩心葦公一字不相付我

欲無絃彈此琴

蔣之翹石林陸鈿葦公皆入萍社見硤川續志葦公後贊史閣部幕死睢陽遺著無傳

山居頌

沈夫子移居滬壘門臨大道俄徙木根其地皆四徹
中繩直視無山而名曰山居屬爲之辭亦猶莊叟陸
沈而沈固非陸也逃空虛以晦其用耳爰綴言以頌
所居

踏地恐土痛

東野句

兀然思巢山何山不用買迫狹無乃艱
不如名我樓超遙非人閒夫子道力勝勇哉過成觀越人

自熏穴蔣詡但閉關敝裾者誰子連車何斑斕此門請一
杜櫪馬何時贅蟄室四壁瑾列館三珠環世人共指似靈
嶽固誰班卻笑容星動子陵何其孱我從蛾陂游折芟對
潺湲累年無一詩不得強弩彎裨峰我欲筮附枝我欲攀
苦無巨靈手爲鑿銀河灣拔宅與俱去俯視眞肩肩太息
大哉居獨立佇中寰

一稜田

昨買一稜田種桑復種蔬桑可飼我蠶蔬可爲我菹春繭
暖可衣秋菜甘可茹薪樵續我爨鰥孤環我廬寡女五色
綫庾家兩甕儲我是差科主百事拙可書偶然羅肴楛亦
可招里閭田功良不惡衣食殆有餘始悟蘇季子發歎負
郭初所以漢陰老一臥但蘧蘧柰何預人事身世竟兩疏

臨老識生計不在簪與裾作詩告翁嫗勞爾來徐徐一舉
中聖酒慎此續命畚皇天有老眼未嘗役空虛酒盡起爲
壽諡爾卞田居

答錢翁

錢翁見我浮糧書贈我一片飛霞裾難得遭此造化口有
若開天一畫初由拳古縣陷爲陂不愁始皇相負欺但苦
趙家末代孫顛倒一任天台廝我如輓轡轉深井邪許自
呼無人境千歲老冰一旦發懸度與作萬萬縷從今义手
復擊節端如我翁嚼鐵說激昂一里自縣駒鼓舞三農見
冀缺

聽張生彈琴

我大能肆志矜此貧賤力道逢陽虎不肯揖居然欲竄窮

奇國何爲禮法儒抱琴來我側初爲淺撥如月出微雲半
吐蝦蟇食繼作鮪鯨闊遠音海水移來萬條直叩宮叩商
甘苦分忘卻五味一時得是何琴德之悃悃令我希夷而
卒默武毅俯繩墨羈孤遺其惑此耳三日聾飛塵尙如織
試諷昌黎冰炭句楚王聞之亦自克

李貞女詩

貞女垣曲賢民里人祖秉銳庠生父早卒育於舅關
維綱僕婦爲子求婚關不允賄女季父訟於官強委
禽焉女誓不行輿來而女死里人義之我父令垣曲
用儀從導送改殯西郭外演武廳側爲樹碣焉追爲
之詩

垣曲李氏女賢名其所歎生小不識父羈孤育於關阿舅

老秃翁珍若掌上環婷婷向長成一一稱幽閒按花不肯
笑照鏡難爲鬟手中繡羅襦釵上金博山鴉鳥不可媒桂
枝不可攀誰家黃鷄子欲結比翼鸞玉臺何璀璨金車何
斑斕阿叔乃大喜縣官爲之瘞羅襦不忍著博山不用鑽
鳩鳥於此去桂枝於此殘光緒戊子歲其事驚里闈其傳
此貞女未嘗言於官我父聞之歎表墓謀不刊威儀一相
送白楊移道閒高高王屋頂冽冽沈水瀾蒨蒨女貞木奕
奕彤管斑

瓜連理

我比李廣還數奇樊嫫去後尤孤羈夙世應是匏瓜星銀
河咫尺雙無時園姬塋土一寸藥聯聲告我瓜連理藍田
初得璧一雙黃金渾似佩連璽行人詫問是何祥洪範五

行所未詳國山侈陳草木瑞六八三事真荒唐國山碑殊
百八我聞瓜瓞著周雅亦有瓜苦詠幽野遼東廬江敦煌幹連理六
種王濬園中恐非假我今庶幾東陵徒疊跼駢株五石麤
不用連擔走京市差可鑪以浮江湖繫而不食無乃隘包
之以杞可驗卦世閒氣應何事無近在園林差自快亦曾
啖得交城瓜兩蒂其須一馬馱少年鹵莽未學圃及今需
爾髮已皤呼嫗至前雜作黍累之竈之任烹煮將軍負腹
自不疑愚公一鋪旌此舉是固我之瑞應圖惟勤不在年
有無近時鄉戶只半菽我瓜乃得專兩踰碩果翻從垂老
足亦未乞過監河粟可惜不見舉案人抱蔓歸來歌一曲
檢篋中苗歌系之以詩

畫革三苗字顛歌四上音亡書餘一篋好見楚狂心

異譯尊朝命呼官極頌揚歸來詫鄉里曾作夜郎王

旃蒙單闕

乙卯元日

今朝風物爲誰新冰雪山中賸此身失腳踏驢非有日翦
花簪勝總他人寒雞獨舞棲常早倦鳥收聲見始真拈得
瓣香無別意願天好作萬家春

題楊忠愍獄中寄鄭端簡書

大朴一散不可完中原已無管與桓纖兒媪相爭割斷頭
顛許國何能安先生急掉直言旗大雞連跣輕一彈茹鯁
在口吐不得擱血滿掌真不孱以血濡紙寄海上有口須
嚼膽豈寒蚰蛇何物作小補卻瘴自有梅生丹宋梅摯嘗
瘴鐵肩粹手世久悚五奸十罪詞未殫獄成那求二王證

得意須告平生歡鄭公亦是節義士一語天相書其端角
中囊木兩無愧至今照耀大海瀾書藏海鹽朱調生家端簡跋其上曰天相正人
甚哉忠厚乃至此寫出肝腦無時乾誰歎迎降賣國者只
在貪生紈綺閒

題葛毓山年丈遺像

葛翁意聖人著書老名場女爲我弟配謂孫弟子乃我同方

謂雲威長安一樽酒得接鬚眉蒼其時方射策告我時世

同年我長觜利用壯翮短乃頭搶竟落曹司閒翁病亦南翔告翁

當時未用乃得水利在長卷竭來二十年久矣得失忘披圖審

舊面把筆思連牆眉棱蝟毛磔手墨雲錦張高驤促中路

始願未一償獨有善文書其憶傳樸堂葛翁詩楹書卷複

壁玉躩收巾箱翁書目畫錄翁似靖達卿我如韓冬郎至

今欠一死蕉鹿俄兩亡誰知百種意寫作九迴腸夙昔魯
諸生面目何其儻

聞老人字春如故聞人氏也吾鄉舊姓老人游於匠氏

性喜施捨生於嘉慶丙午迄今乙卯眼見六朝年登百

歲飲啖不衰里老祝願之綴詩爲壽

鶴壽龜齡未遽央竇公楚老歲年長斲輪妙手無餘敵喬

木名家望一鄉不覺爛柯逢太乙端然絕乳對張蒼翰翁

眼見承平事勝似龐眉問舊郎

沈退庵觀察七十雙壽詩

君是孤忠温序兒文節公殉陰功合作吏民師提攜五朶

中書筆曾管散落雙洪玉局詩州道徐腰鼓弟兄多福命

壻鄉風月話齊眉騷人舊住比肩里門對神山兩崛奇

蠅頭小楷信多娛書机風流竟不徒新寄蘭亭本郝女聯棲
新誓墓梁春依隱舊游吳神仙眷屬惟稱鮑梅鶴精明恐
是逋可惜編詩黍離後毳衣知未厭菰蒲

述懷寄劉幼丹師嘉魚

我師廉儉窮益堅歸計較我先六年風交江漢移船語辛亥
四月晤羿穀一脫無時弦有來見竹寫危涕每對奇字思
於漢口荷師遠念重問訊千里分我看山錢父頭斷取東坡
談人外獨釣南溪煙高士雞豚與縛柵臣里文采初謀篇
兼築高士祠收拾人間所棄物置我管下疑聖賢近來登
徒疥且痔竊得曠里東家妍近多病日共比鄰數鵝鴨頗
從老圃論胠胠豆莢清新藥苗脆劣得生事肝麻仙每於
詩人有酷嗜卻與楊陸疏周旋師作長沙采風使謂我官

政瘦可憐始覺當時見事早恨不遭值承平前長風吹衣
覺衣短何當一掉江口船松陵尊香可舉筯宜城酒熟初
登筵白頭弟子無聊甚不向師門何處顛此詩未寄而師歸道山後作祭
文哭之兵亂皆未達今理出之讀輒沈瀾

曉夢陳淑人歡若平生

飛龍骨出為誰愁炊黍工夫宛轉求婢豆何妨三斗賣胡
麻真願十年留最憐秀鬢開妝鏡為理征衫上畫樓四句皆夢
中醒後形骸翻覺累不如常作夢中游

讀香樹齋集書感

百福老尚書學承商隱後尚書學於陶日襄風雅見性情
發言何其厚賢母有三徙壽宴與千叟顯顯忠孝家顯顯
都俞藪林居二十年秀冕聯勝友田園發雜興賡唱媿虞

后悱惻君臣交鄰哉何耐久有若膠漆投誰能解此紐我
逢一闕市六轡真易朽廉來播惡聲韓魏去交肘讀公百
本書令我萬回首當日經濟才不挂利名口學業各修舉
至死不相負纏繚寒女詞懇切經生守到口沁我脾入耳
斂我手痛哭問尙書遭際豈其偶

和田園雜興十一首

待我歸來木已枯無情權作有情呼顛狂野鴨迷離兔不
到香巖屋裏湖

尙書老作太平人我似冤禽脫化身東海昨宵連底倒算

緡填盡幾何神時海水為患

陌頭翠毯稻初齊未熟黃梁已餽糶彈缺馮驩催折券今

年漿酒一時攜時奉准暫免附稅一年

早航撐出日暘橋雪色新絲入市饒準擬拋盤方脫手一

金須得一生綃

一年生計在蠶官撚纒成縣截作紉寒近不求龜手藥辛

勤十指未曾殫

學堂處處學無人債券家家債又新五角六張齊作崇幾

時况殺惡星辰

高豐廟轉是橫塘此路南通蘆瀝場肩到海魚連夜賣險

些逢著捕鹽郎

我家窮鬼怖門呼六葉爲儒實爾驅不踏徐婆廟前土年

年賸得酒錢無里俗月正四日徐婆寺換元寶香火甚盛

嵌空浮石昨新添知是熬波出海鹽多謝海神一夜力奪

來秦駐最高尖

六十平頭劫後仙看人拆屋已成田吾廬不染風波色尙
得從容住五年

此後年時但付天本難著力死生邊閒來添箇晚晴社配
食龍王恐未然近築祠祀里中行遁諸賢

論詩絕句寄李審言

一回新勝一回新賣貨兒郎日日貧李杜韓蘇都道了願

君翻轉自家身用杜仁傑語

字紐雌雄讀始該還須識字見心裁箇中玉合無多子隱

括前頭有棄材此論造句當知所棄

東雲露爪西雲甲合著原來是一龍妙處不傳隨手變天

神下室爲君容此論謀篇當識縱橫

粉白漿腴無不好有如食蜜透中邊時人死在刀砧下一

任江湖有浪傳此論頓媚一派

割玉求山須老阮披沙始得萬金呈如何忍布難縫處未

得衣珠便道明此論鉤棘一派

竹汀刻意苦求稱石筍名家鈍未能我喜宛平鍾勵暇晚

傳弟子最峻嶒朱筍河爲河朔之俊翁正三尙不免粗俗朱師勵暇又師蔣德朱乾皆吾鄉人

白香湘綺兩詩豪已詡長生未伐毛何物山膏徒善罵料

渠未見赤霜袍李越縵好罵湘綺及其自運又出其下

新城伎倆久應衰龔魏橫流亦太癡誰是真參祕密藏得

來踏殺馬駒兒文字終貴人品遺山文章甯復見爲人非篤論也

乙翁硬句接朱翁謂竹不怕新來火雨攻未到崑崙誰信

及中天原有化人宮乙庵師論詩不取一法不壞一法此爲得髓卽竹垞詩不入名家意同一

振關

三百年來論雅流詩家王氣在吾州丁辛擗石諸襄七晚

有東軒筆迹高伯平東軒集純師昌黎先公手變秀州派善用涪翁便契真不見長吟吾汶句何

嘗輕逐社中人竹垞不喜涪翁先公首學涪翁遂變秀水派韓石梓廬柘坡丁辛襄七皆以生硬為

宗後來吞松閣雪杖山人兼擗長吉其詞益恣然宗經不異竹翁也

長歌贈馬髯

會稽馬髯文甚工三十學作避世翁何方可以安六鑿閉
門仍住東海東知君早工孝山頌阿母懷中已雒誦蕭然
近作歲星游鑽研欲到塔無縫六藝待補箴育篇四教欲
扶經心妍鑠腹何來大論師麒麟獨角無乃賢虞山贈江
東弟子獨步秀何為不顧兩手袖自言道否可奈何不然
逃空我命謬懍知屈原澤畔游澹如蒙叟掃迹休堅如盧

敖龜殼蹠慘如甯戚碩鼠謳太乙峨峨羣帝立土伯齧齧

山鬼泣縱游天地欲無門上蔡公子阮焚急而我與君治

一鑪人生至此那孤君既絕婚無窈窕我亦老至哀妻

孥盧仝馬異兩無可夥頤沈沈作堅坐東方日出昭此心

那須借耀星星火君不見自從秦皇九鼎淪敦詩說禮屬

何人里巷小兒詬文字日日雞狗詛比鄰洪水猛獸詎為

劇正須鴻溝與之畫舉頭杞天非所憂側足焦原未為窄

問君書卷幾時編障川知可萬金懸狙北稷下議方橫忍

死待君為一宣

寄耿郎中

松江風物勝嘉禾二寸鱸魚十樣梭最憶黑橋跛居士曉

霜仍踏玉坳鞞君喜著阜鞞故調之

君如識曲何元朗我似栽梅周逸之別即寄書逢即醉將
家悔不五茸移

和乙師舟行雜詩

大彭榨節村梅會里長水武林源中有沈家阡石室司空
尊一鋪三十年光遠耀諸孫乙師言葬司空時形家云三
空長子宗涵日果吉我不借當其告至同治癸酉乙師得
舉京兆庚辰丙戌與弟同叔先後成進士入翰林對持籜
節於皖粵皆訖今易代後文采東南存每當楊柳放虹舫
繫樹根廟前纏清瑟花底頌和墳雖云世事隘公義家自
敦我聞樂郊語南條寶龍蹲將毋產賢聖與議軒乾坤海
水一舒泄鯨鯢不足吞請觀桑麻野漂搖尚留門鬱蔥固
未替稻麥仍兩蕃生理豈終絕默然參化原
我亦哀時者喻筏常欲捨一擊中流舟五載湘山赭歸來

視鄉里橫流盡東瀉所恃農俗淳牢作門戶把地勢既窪
平官寺動擣指為富庶區入甕即思鮮以茲撫掌地常
作掠錢社鐵厓爾何人乃能憂心寫楊維禎詩云浙河以
散民久奈何世不聞割肉無餘裏偶為下澤游斜桷見敗瓦
邦族去未能誅求庶其寡蕩平必仁人敢望沐猴假斯言
且埋根當樹我墓櫃
東西無百里鐵索貫中衢百節皆梗塞一雨成沮洳況當
大海濤淫潦何時無今年海大魚掉尾生齟齬凸穿屋
出斥鹵隨潮趨安得水官舉五行順其居傷哉洪範傳今
人視為愚七尺且不理何況周八區急掉煩惱船求出生
死塗何事作賸語敬隨乘海桴
吳子修提學暨配花夫人雙壽詩

南極明星麗東籬晚菊黃以茲寒玉色奉作禮堂香綺歲
驕重壁清童喜弄璋門閭通石騎巾帙理王箱晉水偕仙
侶餘杭憶錦鄉流連懷橘恨怙悵納楹長俄合雲從契兼
聯驥子驤向歆中祕業羣紀節麾揚銘閣常思蜀題山雅
識匡官錢分故舊藥物起羸尫樹是甘棠蔽機還織女襄
懿哉鹿車貴感極口碑芳稼熟秋能實風生海已滄邵侯
瓜欲就娥室月常光我憶晴嵐叟曾鄰陸氏莊先叔祖晴
督部公接近仇麗
吉席亦所周旋每攜家集序不異壁經藏既厭承明署
相逢末水航各成招隱句竟免旅人殃罵座無丞相吹塵
對貨郎留公老眼在應笑接輿狂
讀清獻家書敬題其後
清獻生明季氣與張呂勁謂楊園
晚村崖然學部外烈果持一

敬太極辨理氣章句究利病公有章句大全嚴樵楚人咻

早敷諸方諍以茲開斯文實已樹敏政當時紈扇上格言

書至行康熙時大臣皆書性理語於流風今未沫龐言猶

可鏡禾與百里閒焜耀德星映後來顧與陶廣譽隱顯各

正命哀哉瑣尾中百讀猶未竟何時揚仁風大象執謙柄

復收邦族危手拏出利奔利為戒斯人陷奔故孟子七篇首

心未嘗懷何商隱云人以氣稟亂學術學術未嘗

病家書中誠輕聽人言倍覺利誘之危特附證之

題陸少山先生坐地觀心圖遺像

公為丹陽時是我初生歲咸豐丙辰五月吉壯勇殉難六

是時公正為令九月金陵內亂忠武始有轉機其後僧王

勝保驅之使南曾胡諸公驅之使東吳越始大擾則弩未

也曾公章奏中一歎而江浙盡沙矣若早令渡兵上海保

全完善何至於此趙之謙詩東南舊說民氣馴棄地與賊
疑夙因君家曾不愜於曾侯矣其時壞雲頽其地昆明閉
我先不如人亦不愜於曾侯矣其時壞雲頽其地昆明閉

不有善長者何以管轂制迄今六十年重想艱難際敏政
同敏樹武定必文劑非特廟謨賢亦有繞朝計向來三堅
法那受四流蔽方便轉化城忍辱得妙諦無何馬同槽謂洪
楊內苞桑乃有繫公有乾陀方竟不以自濟公以勞沒賢
哉學佛人終然得定慧法本說無生水亦未嘗逝袈裟披
兩肩花竹說半偈如是以觀心撥去諸方滯薪盡火已傳
月在面常霽不聞替戾岡鐸語亦可契乃知性功德法象
在善繼詩鄭箋性有物象情有所以五事中首重思心睿
公今坐未竟了然已三世吾亦好談禪開口便嫌贅

題陳澹巖先生遺像

陳翁贈我曲園語如是降伏如是住分明二法是一心解
散眾證矜一悟豈如先生說是是圖名是是蓋了當乃契

修妒路圓融法界至分別性功德中本來具對說法筵色
相空堅坐止觀慈雲護當時故人曹與阮亦有弟子金章
附纜出新詩兩玉合況得驥子三珠樹光鑑光鑿皆成進
皆圖中即此已證菩薩乘承平老輩真可慕邇來百年墮
見阮作意爭新破章句吾欲持翁一字關為指亡羊多歧
誤珍重此圖莫浪傳聞說曾出長生庫經師人師皆佛性

城北月湄月常駐

朱庵看臺桂庵在秀水君一莊距南堰三

九月一日菊初黃我憐老桂死作香為約東鄰許由伴來

訪南溪贊公房偃枝橫出壞屋底危柯直欲摩天揚何年

規得月中地蟾戶為結七寶裝元遺山詩下界老尼守護

八十歲自說不見分寸長乃爾蔽牛竟一畝恐是髯仙度

千霜墮地已作金色身不數諸餘粟散王持較隆恩月盤

松枝四散構漆架之六七層每層可容一席何異麻

姑見滄桑豈如此樹臥巖壑聲價不與時低昂猶得吾黨

二三子極口標榜鳴一鄉墮官退吏莫到此不用鬼炊語

銅牆困學紀聞放翁有鬼炊銅牆之語出神異經然陸魯

塵語一云木樨香未且領取一洗從來冰炭腸

贈妻弟陳子桐姨甥王廷棟此外屬之僅存者

平生賦命屬三刑織女機邊見兩星宅相望甥兼望舅伽

陵同夢復同形玉臺奪得全成幻寶境埋來何處靈山詩

注陽曲劉氏有大寶鏡能照天地四方前知休咎北方兵

動照見穰穰無數大駭埋之兵火後家惟一兒在姨母能

處鏡白石郎君愁有曲如何豔絕轉玲瓏

九日攜客登樓雨中望東塔

樓頭雨不徹秋思蕩我情拉與吳質一放眼橫天頗有青

崢嶸塔連雲漢作山勢樹埋煙雨吹瀑聲置身南極出地

處一日識徧恆星名忽憶小時登恆嶽抱持女手嬉笑驢

背行當時我父到絕頂知有無恤之臺摩天勅華嚴經疏

山頂常恐劉京叔笑我局促生至今浩歌瓦屋底竟欲斷

取世界迨我魂磊平眼前清景誰得剽甯知海有磨牙鯨

歐戰有腹不貯憂與畏有口不媚公與卿橫身過得五溪

險杖策要試一足躑尖風碎雨且莫惱金家香衙不害以

詩鳴

漁父謠時大索

漁父不踏租賦地古來其羨江湖遊一日災從網罟出夫

啼婦瘦欲食爾肉不可逃蝦蟇亦是官中物性命何者屬

彪二

汝曹東坡死罵桑大夫不知張湯尤酷饗張湯不應有子
孫刮盡龜背誰能毛除非斫鱗截網避秦去看爾神頭鬼
臉何時咷

周禽彝舊在錢獻之家後轉入吾鄉楊翁博山處其子
利賓屬賦

遺山四十後移居說鬲卯寶鬲嚴卯見移居詩我有擁腫亭終日學

釘鉸一見禽彝銘技癢矜觜爪錢吳丹槩勤積古翠墨佼

錢獻之吳侃叔阮伯元皆有釋文何處可下口更作菜根齧為補孔宙字

食蠹亦可飽鳳斥彭兩證一例諸釋未引想見成康初謀

及西南獠淮夷既來同許亦不獨狡春秋無許侯疑是殷爵與淮夷徐戎並與

者此銘言王伐即費誓之稱戈此禽亦定是伯禽禽父有大勳告廟宜薦芻製器

傳至今楊翁喜其妙不啻寶劍遺須防黠鼠擾甚願拓一

紙配我左弋寶子有晚周左弋鉢置之虹月舫殘星對畢昴汲古

竟無名皮骨真空拗

重過棲真寺在鳳池鄉

法流引泉祕文櫂發金相悅性自人外得意乃諸方棲真

指古刹寶幢畢新裝誰掉大願船結此淨佛堂蓮花定中

見梅檀逆風香日師緇林彥呪土成寶坊謂僧蓮仁仰視木葉

脫俯尋青豆房舊時練池水墨瀋無餘藏童時肄業寺中獨有屠

居士見我童而狂端然識性真面皺亦不妨壁間許了卯

謂文肅公有記嵌壁間唾牒爛生光我詩或有會如豆乃合黃了了

一宿覺惻惻三生忙重來似圓澤石上春黃梁

贈屠銘譜先生

覆卻何時煩惱船十年三見總堪憐庚子辛亥甲寅三歸見皆值荒亂之後歸

來饒口惟餘鴈羨殺槎頭只釣編甫里先生無寵辱華陽
隱者是神仙我今摸著娘生鼻修得如翁願已圓

松江耿翁飲我醕耐賦詩爲謝

尊香招放澱湖船稻熟始諾飯山顛死灰不然萬念休一
對步兵我頤朶監厨不用稚長請觥使直須文君媠胡叟
長髯善滑稽謂胡端謝兄發興雜喧吹謂芷舫腹胸法製
南北煎噴嘈活鱖魚肉裹有口當爲鱸膾開得醉不覺漉
巾墮諸公況有小輞川憐我作繭未成卵但效秋燕一掠
回不啻隨逐烏衣坐平生常笑慷慨人款段從游每不果
卽時在手酒一杯張翰前頭意殊可翩翩仙子墮如麻擾
擾二豪小於羸年年倘作孟公期花發後門莫放我
六十初度

招得湘纍旣渙魂歸來齊贅已同髡篋中畫燭看龍鳳夢
裏芳蘭當子孫九死尙餘殘妾拜四依初共老僧論請搥
若木成渣處貼宅劉郎別有門

贈劉葆良兼柬湯兄

長水毘陵兩老儒未能拋卻是西湖論詩搥腳燈前語出
紙請書樓上呼元郭昇客杭日記有隔每到孤山人亦俊
其名愚谷客皆臞此情試與湯休說須得年年一醉吾

催租行

陷冰推船走玻璃凍殺牆角號寒雞有何一老涕洟說今
年旱枯百事拙赤日擔水婦背皴白汗無牛犁頭折看看
苗槁一尺強處處草長不可攘田閒痛哭絞飢腸官符已
下租須償東家拆屋方納稅西家鬻女又驗契突鬢短後

來何猶督促紛然有新例是何國計慘凜慄農亦區區國
之一似聞爲此王與袁官人亦自有家室莫作桑羊盡取
人後來須惜意生身我聞斯語更悵悵截艣歸來不敢船
尺布斗粟救不得竟欲賣盡嘉興田

劉翰怡寄贈雪橋詩話作詩答之

久聞海右陳人集喜見航頭一卷書泊宅村邊成獨往織
簾門下可移居五亭最數君家好四部平分阮錄餘絕勝
玉山堂上客橫吹鐵笛酒醒初

聘貓

我聘銜蟬虎脊文丰采隱似滄海君子房潛身一狙擊飛
甍無迹何況毚以茲坐懾羣不逞安用毒劑求穴熏有時
出入臥榻側踏我顛頂穿我盼勝於低首八柱國但解酣

睡餘無聞官家倘致爾一輩六乙鼠貴休策勳子平家有六乙鼠貴
格我曾浙米劔頭炊喜爾英爽非食葷作詩敢告有國者
養貓須捕宜早分如何卻被獠兒亂太息推枰看夕雯

除夕

爆竹休將舊耳聽望廬我已慣伶俚近來年事多應瘦道
著家常總可驚夜合無花真倦繡長庚到曉只殘星老夫
還有包身智一醉屠蘇未用醒子瞻汲江煎茶詩庚青同用此其前例

寄懷勞鞞庵丈曲阜

天地無私不惜春先生枯木尙餘身鐵函心史可投并畫
壁靈均痛入秦卻聘甘爲汶上叟棄家去作濟南人歸潛
有志歸何日細拂楊園戶外塵

柔兆執徐

卷二

年

錢孫大弟遠寄壽詩感念家國情溢於詞依事和之
我生丙辰歲弟作丙辰詩書來正值梅柳放語到真處冰
雪奇上言國恩並家慶繼言祖德及母儀中閒萬事不可
料六十乃作卑凡斯寒窗對燈影不見機杼絲恭承節孝
語云是甯馨兒歷劫不死有今日落暉一往無還期蝶圍
廳前桂花潔語兒亭邊春草悲墮地已作五衰相垂老那
得欵崎姿弟方旅食在京國感遇寄我歲蕤詞舊聞述家
世筆削到義熙因之說我辰同宮水月不同時弟云清
建國我祖丙辰魁多卻喜南阮賢父子酒為祝舉回我枯
士與我年庚卻合槁生春枝左羅三九右五卯庾家初覺貧非癡惜未展作
花樹會漱口粲此商山芝官程促敲鼓春盤映崇帷待弟
綵衣歸起居八座捧上黃金卮我來亦作如意舞跳珠滴

鳳看取慈顏嬉弟之歸

岳鞠如從大西洋寄圖為壽作百韻詩答之

我初識盈虛六甲已環周回數前日事早知後世憂荷君
殷勤意遠寄海屋籌服食仙之人雲霞舉其儔掛喬而斲
羨一眴猶千秋圖從海上來因思海外州方矜夸父逐大
作修羅愁天柱不足折陶輪亦競投共工巧何事竟與虛
空讎無乃金木訊五行值休囚君子其善處以寄國命庠
岳時在巴黎贊使事借問龍伯國釣鼈今在不飛車有停軌神山俄
漂流山圖竟脫屣王母亦白頭斗量不死草知名安石榴
酒或美於肉樹或聲如牛桃或三千歲芝或盈一疇食甚
或空立入海或旋舟塗陰黎或熟嶸山雪或收或揖客鳳
脯或秣馬瑤芻或擊擊鑄凝或申申彭仇或食堇而化或

承蜩而僂或柔若姑射或幻若扶婁或廬閒祕翁或丹田
密修或作五禽戲或事九轉鏐此皆長年者割愛慎所由
一食澹何慮煙火何足羞所以穆天子老控金天騶作謠
復言來銘迹弇山留厥後秦漢帝甘心思一售皆爲海所
隔徐樂無還軒待君一識察報我萬里郵重開化胡經何
事詣王浮又聞羲和術散落俱廬州其數工借根其人能
談鄒試以我命敬真原當可求我生實丙辰太族月所諏
墮地逢三刑驚啼環重召孩抱遂失母老大難報劉暨乎
辛丑歲掌綸侍德輶聽鶯温室樹走馬長安楸忽告我父
逝迷途邁今尤三刀守蠻服九疑誅驩咬雖云司徒免方
驚楚言咻再逢狐社憑終應龍滌謳昏昏六十載百罹無
不徠龜年旅鶉火災星獨我適妻死子且泯無知豈鄧攸

年命入箕斗口舌生瘡痂韓蘇且病此無藥何方瘳機緘
孰張弛榮枯孰雕鏤智何以不免愚何以多優何以惠三
黜何以盜兩騶將毋陰陽錯或者是非揉謂當逢厄歲仁
羿難爲敢兩龔野王老紛紛憂填溝或謂亂華來攬甲羅
兜鍪金甌無固蒂避俗宜羊裘亦有桃花源蕭寥游村北
客迷不識路黍至澹相醜古今英豪輩貞居每入幽比並
我何敢託迹聊蜉蝣皇天矜善人世網密於孕二者交錯
之時命乃兩媮何爲張車子出腹富金昧暗哉紫氣翁投
老向荒陬范睢折齒相沮溺差肩耜仲翔放逐死冬保官
祿稠談冬止投閣數奇終不侯羸二起蕭相戀闕重子牟
王儉矜早貴休文嫌晚偷朝方出繯緲夕已禡冕旒一入
造化手有若拈枯鬪短長互相傾紛糅真不佞斯疑爲一

決變幻何其侖奎壁喜相照金水異拈拳太乙坎上起天
畢當中揀同宮或異度眺胸或分膺章部有發斂生克互
盾矛改厯七十家書籀不勝抽望舒東西顧宇宙上下幬
四游軌地防九道擊天球躡者奪之翼攫者羸其膠除乃
乘之積寒亦暑之迷我老從少得積日成悠悠青袍挾短
策白髮被文髹同居大園內彭殤等一漚欲徇齊物智以
息浮生謀老氏貴止足常樅惟守柔禮言節以惠詩言憂
心妯春秋大居正易位喻潛虯但苦學不至世事誰復醜
作詩短檠底寒雪壓重樓十八日大雪不覺毫將及此生行浮
休宛轉金錯刀補唐李后主金錯刀書鄭重珊瑚鉤何當清樽酒重
把梨花笏雙湖寶帶流半郭桑陰樛流亦不可盡桑亦不
用標寄此海籌篇一一付冥搜同心各自證用示兩綢繆

和章一山翰林詠鴈

食盡兵窮何處飛江湖滿眼孰知機難爲畢竟主人鴈若
箇善鳴能得肥

題嚴將軍墓

將軍文學開天荒掣鯨鱗試鴻濛手一篇遺下金翅毛海

東雲起猶龍吼

三長史冤亦何有電光一笑玉女投吳人尙拜買臣墓朱

雲欲殺張禹頭

長弓伸手軒轅臺議兵開口誰五才正須借取樓櫓勁射

殺東鯢方權回

鴛上聲叟哭古春金齒方瞳未言壽竹宮夕燎禮神君漢

武仙才於此漏

冷吉臣應真圖爲沈寐叟作

女媧無術補天漏六鼇恣掉地無拱道人晏坐百不聞
龍劣虎總無恐是何神化脫三災六鑿不攘安如俑其餘
卓錫或托鉢獅象螻蛄最屬擁回身金翅作家雞覆手後
猊脫巢鼯鏢腹人來無不容一雨甘露四大種畫者冷枚
內供奉藏者健庵副相重先生得來幾何年三見蛾飛已
成蛹五兵但任蚩尤塵三田轉見麻姑悚身在廉泉讓水
閒除是蒲團卻無奉有時戲擲陶家輪拔出世界天龍捧
利生說法無不爲猶恨未狎海鷗勇我初執驚學章句點
筆命繼樊山踵羅漢只守舊家風安禪自有醍醐漣

憶王葵園師長沙

驚鴈南飛盡先生獨閉門楚魚腥不食遼鶴斂猶尊諭蜀

凋風札移家癖水村一塵望外絕江泊去年痕

花朝見雪寄乙庵師兼呈志稿

北陸一寸雪始見江南春冥造得山意海煖面不皴時上無
雪先生臥齋閣破襖包只孫張鑪鄉情鑄鍾琴舊手温伯
隘坐方炭叔援誰如仁我有圖民淚一卷無言文便門矜
獨啓玉笈忽生塵

醉吟張公祠下

一別濟南無故人十年夢踏後園塵今看布路羊曇樹已
是尋花杜牧春谷鳥去家棲尙穩酒痕問價認常新座殘
揖客杯離手好似維舟灤口晨勤果嘗薦子灤口

贈日者陳生

陳生善言命謂我比劫重重爭丙辛化水幸不弱丑未墓

庫衝能令於法不當富但可逍遙以素貞我乃無心合未
始不相驚欲問大造鑄我術洪鑪凡設幾種型紛紜將相
不勝紀彼皆何道腰橫鞞而我不飛又不伏齷齪僅乃完
其形或曰制宅占利鈍或曰圖墓關枯榮游神太歲十二
次五行莫不操權衡懦哉我命有所制俯首不敢爭毫贏
歷陽長平一夕死賦命何必皆三刑豈爲星事悍得無山
川精嵩能降申嶽生甫極貴須出帝座星分毫不得自主
張顛倒往往如此情我聞古無今有千六百厯象所載擬
然清分野茫昧已難考何爲計較無知岷如言一星有一
命甘石不絕將何評崩厓抉石殆無數何爲十室必有英
機緘不測亦何苦令我祿馬無時停好官輒憶羊牟保車
子墮地何甯馨懲貪警惰義亦舛奪彼與此何其經近言

溫帶最秀異古義引綆分重輕是則珞瑤三命皆可廢智
愚一任搏沙成我則收身在午運投冠詢冕揚輕舫始脫
羊腸九折險摧折不受修羅偵此義亦不然人身何爲靈
數從安出起於對物於物者如麤麋著龜有時亦可聖圈
積自落誰虧盈又聞理數常居半左圓右方難兼營周公
三龜一襲吉季主端筴憑寸莛決事萬物始不能外一誠
所以梯黃有祓刷其詞極丁寧其餘叢辰太乙每辨訟相
牛相彘皆有聲漢武有言避諸忌人生莫不稟五行教愚
導惑豈無術見微知著斯爲醒不如早開佛知見團樂坐
說無生經兩邊齊遣便無事一法不壞皆可名往過來續
大自在無餘無欠常惺惺大哉聖人之造命除卻二執何
不平釋提桓因雖富貴法和視之殆冥冥罪福性空本佛

義卻非世俗輕神明陳生豁然悟相對兩酩酊從今不詭
亦不聽但當與父言慈與子言孝君平鬻術非術能爲勅

訟飛廉

飛廉禽模樣賦性實貪狼頭腦鈔利羽翼哆張出身寒谷
能爲萬人殃丙辰三月之七日擲鷓忽起定山鄉覆舟無
數行人斷冤魂上訴排天閻豐隆抑不省屏翳助披猖劉
家天翁張家奪是非茫昧不暇攘磔犬勤歲祀奉獻皆脂
肪饑口亦云足妖祟何爲俚無乃山獍精善笑如蠱倡投
擲乃其性養之成痲瘍如何明庶風翻爲逆毛鷓小桃著
花始爛漫奪卻芳洲無限芳時當香市罷暨平繭稅場竭
來小回旋刮地無餘藏棗郎五囊十囊卷始去巽命先庚
後庚難爲臧我欲訟飛廉於日官貶木德於天王二十八

宿司下土五緯環轉列職忙人命至重甯不加意憐毫芒
東方蒼龍精牙角兩崛強兵刑不豈理羸然何其尪西方
奎婁分禁暴職所當昂然如馬頭又如小艇杭空有食飴
志而任沙磔揚南方惟井宿法令由平章乃令月入度助
風作瘡瘡赤舌動謠詠燒卻朱鳥吭北方雙女宮虛危耽
淫荒封姨與合氣輕燥最不祥或曰恆星古不動五緯臨
之爲膏育羅睺計都逞餘氣觸之猶足爲災傷天官傳說
星事悍雖有控訴誰能詳其餘五人帝贊化主四方曷不
驅葶收駕游光搜穴隙塞土囊燒颯輪於空外溺文鯨於
滄浪何爲刁刁調調塞耳不聞忍使赤子顛躓於溝隍或
曰噫氣出於地其事無與星官良三災所起風爲大破散
器世如糝糠摩醯首羅不自濟拉擺乃及天之堂何況瑣

細內外官散沙齧齧充班行狼弧枉矢不厭難銜刀散髮
將何禳我乃口詠金言腳踏慈航訴風無狀列款上將待
佛日出世歸命從今依佛旁抑損五陰界前濯三毒腸加
持文殊印密護戒定香鄭人列禦不得御金剛力士爲之
防毘嵐一角塔無縫門外旛竿誰可颺於時丙辛合德善
宿直房陽烏搏鏢日在扶桑金神一白尅制五黃魔杵雙
按智珠獨量天清地甯人無怖惶商羊不復舞退鷁先回
翔飛廉乃磔死腸肚挂槍榔標揭爲世戒永謝無辜殤完
我清淨土眾生安其常從茲萬萬年按節永息焚輪狂
酒罷聽琴東馬太淵張味真陸无病
穎陽書斷酒杯乾寒盡山琴爲一彈樂府淮南留桂樹舜
祠玉尺補伶官馬融賦笛初驚聽陸贄傳方與共看我但

長齋絕肥膩移情那不倚欄干

憶長安

憶長安正月時貂裘夜走臙脂怯薛呼燈放直頭魚佐酒
連卮尋仙白雲觀裏馬驕蹙踏流澌

險語

孺子戲摘虎領孤女託命鳩媒窮漢眼中得寶熱官面前
露才

臥嬰絕縲下懸身箭鋒前推輪出冰坂失鞚又揚鞭

大言

泰山口中渣日御樹頭鴉五緯黑白子蹙融兩道斜

小言

鷓鴣作世界螺殼安道場我有一粒米淨人萬年糧

立夏宴集山祠

眼中風物皆如故只欠條桑採掇新一角吳縣兩行淚樽
前我是獨醒人今年肢痺體還輕得酒狂歌不厭擊為謝山中白雲養菜
臺豆莢了餘生
逃空好箇南池社的的宜山下筆開此處原來詩境窄橫
行須是掣鯨才

冷吉臣畫美人煮茗

竹裏樵青倚後身玉川夢醒一甌新温香淨鬢誰消受赤
腳長頭恐見瞋
散筆父胸畫應真吳裝又得館娃顰今年眼福驚人處兩
見先朝供奉臣前見吉臣畫應真像長卷於沈乙庵師家

張讓三十六雙壽

君住熬波東海頭羨門太乙早相儔今來眼見三朝史難
得身游四部洲君曾游秦西白髮對歌鳳凰律錦齋分貰鸚鵡
裘鴻莊鶴和知家吉為撰咸恆第一籌

天鳳二年鄣郡都尉錢君磚為楊笛庵賦

始建國鏡出庸部十布細致太豪舉見於關石圖堪中眼處功德
幸未亡都尉之磚奈何許此磚得自舊鄣郡今安縣莽盜國
土好師古手持威斗易漢名僅得小數曾何補天神下告
巨無霸文母老作新室主延閣多誇制作才文字未了已
黃土錢君之磚誰所為都尉南來職何武繡驅闌干幸未
逢不然亦當羞殺汝爾時家林筮得初丰采想亦接崔父
崔篆亦仕莽造符造讖喧不妨一尉何為困羈旅生無六印繞

腰組死有一磚窆敗墅刻畫不減萊子侯流傳乃入金石
聚楊君得之幾何年三壑陸離一時貯地天鳳數數翔我題
新詩不是罵鬼卽詛楚拭目重看非有時腹有六壬那可
侮縮頭不出支牀龜把筆還效銜薑鼠八磚舊主搜不盡
干臂新錄漏未取早聞奇字理訓詰晚挹餘波入新序篋
中所欠美新語傳之脩官慎毋怒惜不早識福山王大聖
定呼我家莽福山王文敏嘗呼莽爲吾家大聖

吳山七夕

規山以爲居意愜事必果環江青芙蓉入手有一朶陸魯望詩
欠買桐江一朶山况逢秋節初蒙龍引長墮連與星辰游河女笑
相嗟如何一片雲風過月爲裏散作無盡燈取便魔波嫫
下視電燈專專一室中默計內自我上年將軍嶺始借太
密如繁星

乙火謂朱將軍薪盡不妨傳功在何嘗墮不踏一錢破足知萬

人荷台牛爾何能杭諺呼台人爲台牛死葛走生馬勿頸例必仇利

誘事則巨筆勁我何誅齒冷彼殊瑣爲抉瓦石含來對江
湖坐暑風夜不熇雲蘿絢還夥吾緣在肉山遇坎止斯可

吳山放歌

吾生罹百憂山水賦獨厚曉望一湖雲夕攬萬峰秀吳山
鬼神藪莊嚴出眾鬣有來香火緣諸妄不敢售吾爲采真
游密定楞嚴首彈指諸幻有一一供奔走對面石新婦妝
翠繞屋雷肘後黃妃塔積土未全仆多出富家金各謀菟
裘就撲地起歌臺瞰水架巖溜十方大施主一望皆我圓
乃知萬物勞一體若相救數有盈不足裨補賴眾佑滿眼
功德林我貧亦奚疚早看五岳來晚得一拳守每逢不平

處輒思愚公又何時大道夷一掃蝸角鬪朔炳俎豆儀祏

袒帝王驟九經敏政書一字雲門呪發此名山藏不在羣

公右戲論我豈敢法界固如舊淵平山自高波旬那得寇

陳珊浦先生歸隱圖

諱光鑾進士紹興教授三子長小歐歲貢注訓導次昌穀癸酉舉人

季昌武戊子副榜孫令瑜辛亥舉人令璋廩生

昨憶予儒是是翁又緣歸隱見家風二方君殆為其季不

減隨車識仲弓

廣文一飯足遺安來祝牛宮賽社官脫卻方袍還抱犢太

平風味本寒酸

文章四世登科記梅鶴雙標處士家靈照後身能極秀外

孫還踏杏園花

沈萊山進士為先生外孫

台州王貞女詩

靡蕪值蛇牀同生不同芳百部似夔冬女木為摧藏有變
青裙女那得藍橋漿何云夜行露請視門前霜義聲動街
彈明鑿懸公堂詎有飛龍藥墮作石骨香須是女青律永
鎮山鬼殃懷清榜綽楔共矜牆東王列豕俯文梓疏畦帶
風篁宵炕而晝聶惡鳥休來翔

吾友郭季純與其妻蘊珊女史並工繪事兼長篆刻築
桐月樓於郡西每當風日清嘉則子弟婦姑分箋吟寫
亦今日之鷗波仲姬也既為之圖并繫以詩

作畫欲到張僧繇小李已落第二流停雲父子分一席寒

山伉儷難兼優郭家師子氣特道蹙踏雌蜺聯驂騶韓牛

薛鶴妙唾手芬陀優鉢開並頭欲借封胡問道蘊右軍大

令幾生修槁梧畫出與君看月圓方照鳳凰樓

戲嬰圖爲沈乙庵師賦

周昉畫仕女好作倒大音性禾臉知是有福人甯馨意常

謙出浴鳳凰能破坐狻虎睽已見食牛氣筆勁勢求斂江

山莫撞壞留與老夫忝置之神樓中料無寒具玷有時弄

孫子花面笑相餽索我誤摩書續鳧亦不厭先生乃大笑

伸紙防抑掩如此玉色兒安得塵土點此詩初爲六句結

人家安得有塵土語遂續成之

錢孫弟今年五十初度三子皆賢近復抱孫名曰咸萊

溯自總憲遷禾已閱八世喜慶交抃伸之以詩

吾家令弟初有髯膝上文度頗復賢子又生子母且健商

瞿伯玉相後先箕子衍範孔衍圖五是四勿今得兼乃祖

乃父名節在食蔗到老方能甜弟自教授訓導學士三世種德詒謀始遠勤儉

固自室家寶忠信可涉波濤漸邇來百物苦蕉萃擾擾有

似魚喁噉羣工已無著手處顧獨不忍沮溺潛郡國奏計

收片策蘭臺私書下幾籤弟在財部史館回憶小時讀書處爾方

掉舌我口箝豈意白髮對滄海枯槁不上竿頭鮎至今六

十老且吃策略未有王通淹匏瓜牽牛各星峙常羊蹶通

兩戒嚴別來面目訊肥瘦雖有健步無由覘今寄一語致

私喜八葉已見文字傳式飲式食庶幾可拜前拜後禮數

添史祝姆教卜士負王母下撫羈髻前舊聞新事吾能說

荀龍薛鳳句可拈臨觴忽念五世澤桑弧蓬矢相接銜艱

難以來始有此顧頌女史書於篇

臘月初三日大雪用聚星堂韻仍禁體物語

病木蕭蕭脫非葉凝雲漠漠行將雪小麥未芽豆田乾占

辛呼癸瘦欲絕初三下九臘意濃瓦溝一松蒙鬆折其言
食飴明年飽豈意春燈連呼滅敗興切莫似催租掃地哄
傳凍旗掣我生眼大熟世故醉向黃壚脫紫纈歐蘇禁體
張空券支許雄談落飛屑洛陽寒臥澹莫名崑崙夜奪俄
成瞥借君前箸獻一籌銜枚疾走無多說洪鑪一點了不
驚端正去我眼中鐵時軍警有變

澆湖遺老集卷二終

溫州府圖書館